





附釋音春秋左傳注疏卷第十二

僖元年 盡五年

杜氏注

孔穎達疏

僖公

陸曰僖公名惠莊公之子閔公之兄母成風謚法夫心畏忌曰僖

疏

正義曰魯世家僖公名申

莊公之子閔公庶兄其母成風所生也惠王十八年即位謚法小心畏忌曰僖是歲歲在鶉首

經元年春王正月○齊師宋師曹伯次于聶

北救邢

齊師諸侯之師救邢次于聶北者案兵觀釁以待事也次例在莊三年聶北邢地○聶女輒反釁許

覲疏

齊師至邢地○正義曰公羊穀梁皆以為齊師宋師曹師皆侯伯之身公羊稱不與諸侯專封故變稱

反耳此時方始救邢邢本不滅何以言其封也左氏無此義將卑師眾稱師此三國皆師多而大夫將故名氏不見並稱

師公羊以為此言次于聶北救邢與襄二十三年叔孫豹救晉次于雍榆二事相反為之作說言此是君也進止自由彼

是臣也先通君命賈服取以為說杜以傳無此事故不用其言釋例曰所記或次在事前次以成事也或次在事後事成

而次也皆隨事實無義例也此時狄人尚強未可即擊案兵觀釁以待其事須可擊乃擊之故次在事前

夏六

月邢遷于夷儀

邢遷如歸故以自遷為辭夷儀邢地

疏

注邢遷至邢地○正義曰

傳稱師逐狄人具邢器用而遷之則是諸侯遷邢也而文作邢自遷者以邢遷如歸故以自遷為文公羊傳曰遷者何其意也遷之者何非其意也言邢遷于夷儀許遷于白羽者皆是其國之意自欲遷之宋人遷宿齊人遷陽者他人強遷其國之意不欲遷也

齊師宋師曹師城邢

傳例曰救患分災禮也一事而再列三國

於文不可言

疏

注傳例至師故○正義曰春秋之例先會諸侯師故而後盟者會則具序諸國盟則總稱諸侯

公羊謂之前目而後凡此上文已列三國之師救邢救邢與城邢猶是一事相連耳而再列三國之師不依前目後凡者於文不可言諸侯師故也案此十五年歷序諸侯盟于杜丘下書諸侯之大夫救徐襄二十七年歷序諸國大夫會于宋云云諸侯大夫盟于宋此不言諸侯之師城邢者此與會盟小異十四年諸侯城緣陵為其事有關故總稱諸侯此若云諸侯之師城邢似為其事有關總書為貶故雖則煩文而再列三國

秋七月戊辰夫人

姜氏薨于夷齊人以歸傳在閔二年不言齊人殺

**疏**注傳在至外薨。正義曰傳在閔二年者彼因係于邾遂終言之實齊人殺之諱故不言殺也夫人之薨例不

書地書地者明其在外而薨若言夫人自行至夷遇疾而薨齊人乃以其喪歸耳。楚人伐鄭

荆始改號曰楚正義曰此前常呼為荆此後遂稱為楚據其見經為言故云荆始改號莊

二十八年仍書荆伐鄭八月公會齊侯宋公鄭伯自爾至今不知何年改

曹伯邾人于櫜櫜宋地陳國陳縣西北有櫜城公及其會而不書盟還不以盟告。櫜刺呈反

**疏**注櫜宋至盟告。正義曰經書會于櫜傳言盟于犖犖即櫜也而經不書盟釋例曰盟于鄧盟于犖盟于戚公

既在會而不書其盟以理推之會在盟前知非後盟也蓋公還告會而不告盟也。九月公敗

邾師于偃偃邾地冬十月壬午公子友帥師

敗莒師于鄆獲莒孳鄆魯地孳莒子之弟不書弟者非卿非卿則不應書嘉季友之

功故特書其所獲大夫生死皆曰獲獲例在昭

**疏**

注鄆魯至三年

正義曰傳言莒子之弟而經不書弟者諸侯之臣為卿乃見

經見經則備書名氏若言莒子之弟孺則是為卿之備文此

不書弟見其非卿也傳曰非卿也嘉獲之也以非卿不應書

經嘉季友之功能獲莒之大將故特書所獲以美季子公羊

亦云此何以書大季子之獲也釋例曰莒孺非卿非卿則不

應書今嘉獲故特書之特書猶不稱弟明諸書弟者皆卿也

○十有二月丁巳夫入氏之喪至自齊

僖公講而葬之

故告於廟而書喪至也齊侯既殺哀姜以其尸

**疏**

注僖公歸絕之於魯僖公請其喪而還不稱姜闕文至闕文

正義曰齊人治哀姜之罪取而殺之則位絕於魯非復魯之

夫人其死不合書之於策以僖公講而葬之外欲固齊以居

厚內存母子不絕之義故具書於經薨葬備禮諱之若言無

罪而自死然既諱其殺不宜有貶公羊傳曰夫人何以不稱

姜氏貶曷為貶與弑公也穀梁傳曰其不言姜以其弑二子

貶之也或曰為齊桓諱殺同姓也賈逵云殺子輕故但貶姜

然則姜氏者夫人之姓二字共為一義不得去姜存氏去氏

存姜若其必有所貶自可替其尊號去一姜字復何所明於

薨於葬未嘗有貶何故喪至獨去一姜公羊傳又曰曷為不於弒焉貶貶必於其重者莫重乎其以喪至也案禮之成否在於薨葬何以喪至獨得為重喪至已加貶責於葬不應備文何故葬我小君復得成禮正以薨葬備禮知其無所貶責故杜以經無姜字直是闕文公羊穀梁見其文闕妄為之說耳

傳元年春不稱即位公出故也

國亂身出復入故即位之禮有

關○復扶又反下文同

公出復人不書諱之也諱國惡禮

也掩惡揚善義存君親故通有諱例皆當時臣子率意而隱故無深淺常準聖賢從之以通人理有時而聽之可也○

準之疏元年至禮也○正義曰去年八月閔公死僖公出尹反疏奔邾九月慶父出奔莒公即歸魯言公出故者公

出而復歸即位之禮有闕為往年公出奔之故非言應即位之時公在外也齊小白陽生之徒皆出而復入經書其入僖

公類之亦應書入往年公出復人不書諱之國內有亂致令公出不書公出復入諱國亂也國亂國之惡事諱國惡是禮

也時史諱而不書仲尼因而不改嫌諱非禮故以禮居之○注掩惡至可也○正義曰坊記曰善則稱君過則稱己則民

作忠善則稱親過則稱己則民作孝是掩惡揚善之義義存君與親也君親之惡務欲掩之是故聖賢作法通有諱例諱雖有例而事無定體或諱大不諱小或諱小不諱大皆當時臣子率已之意而爲之隱故無深淺常準隱十年公羊傳曰於外大惡書小惡不書於內大惡諱小惡書必如彼言是有常準歷檢春秋都無定例納鼎惡於易田諱田而不諱鼎公入小於公出諱入而不諱孫是其無常準也既無常準隨諱深淺舊史有所辟諱聖賢因而從之以通人事之理故容有掩惡之法釋例曰有時而聽之則可也正以爲後法則不經故不奪其所諱亦不爲之定制言若正爲後法每事皆諱則爲惡者無復忌憚居上者不知所懲不可盡令諱也人之所極唯君與親纔有小惡卽發其短非復臣子之心全無愛敬之義是故不抑不勸有時聽之以爲諱惡者禮也無隱者直也二者俱通以爲世教也

○諸侯救邢

**疏**

注實大至之辭○正義曰於例將軍師衆稱師三國並稱爲師是皆大夫將也

實大夫而曰諸侯總衆國之辭也桓五年蔡人衛人陳人從王伐鄭傳曰王以諸侯伐鄭彼亦大夫將總衆國而稱諸侯也先儒以爲此役諸侯身行故言此以異之

邢人潰出奔師

奔聶北之師也邢潰不書不告



也○潰戶內反師遂逐狄人具邢器用而遷之師無

私焉皆撰其還之無所私取○**疏**注皆撰至私取○正義曰邢人潰而奔師弃其

家之器物師逐狄人為之斂聚皆撰具以還邢人○夏邢師人無所私取善齊桓委任得人用兵嚴整也

遷于夷儀諸侯城之救患也凡侯伯救患分

災討罪禮也侯伯州長也分穀帛○分甫問反又如字長丁丈反○**疏**注侯伯至穀帛○正

義曰此因齊侯發例齊侯之為侯伯當是王之二伯此言州長必是九州之長但州牧於是竟內亦當救患討罪以州牧亦掌此事故言州長以包之有災

害者分之財物知分者分穀帛也○秋楚人伐鄭鄭即

齊故也盟于犂謀救鄭也犂即檉也地有二名○犂音洛又力角反

九月公敗邾師于偃虛丘之戍將歸者也虛

邾地邾人既送哀姜還齊人殺之因戍虛丘欲以侵魯公以義求齊齊送姜氏之喪邾人懼乃歸故公要而敗之○虛起

居反要

**䟽**

注虛丘至敗之。正義曰：犖之盟也。邾人在焉。於遙反。

公既盟而敗其師，傳不明言其故。直云：虛丘之

戍不知虛丘誰地，何故戍之？服虔云：虛丘魯邑，魯有亂，邾使

兵戍虛丘，魯與邾無怨，因兵將還，要而敗之，所以惡僖公也。

邾之於魯，本無怨，惡僖公奔邾，則為之外主，國亂則戍其內

邑，無故而敗其師，亡信背義，莫斯之甚。非僖公作頌之主，所

當行也。杜以為不然，故別為此說。此說亦無所據，要其理當

然也。案十二月，夫人之喪，始至此。九月，敗邾師，而云以義求

齊，齊送姜氏之喪者，夫人以七月薨，公即求齊。冬，莒人

齊既許之，邾聞訖而將歸，魯得許而敗邾師耳。

○冬，莒人

來求賂，公子友敗諸鄆，獲莒子之弟挈。

來求賂，父之賂。

非卿也，嘉獲之也。

莒既不能為魯討慶父，受魯之賂而

書之。○為魯于偽反，重

來直用反，厭於鹽反。

又重來其求，無厭故嘉季友之獲而

汶陽田，汶水北地。汶水出泰山萊蕪。

**疏**

汶陽至入濟。○正

縣西入濟。○汶音問，費音秘，萊音來。

**疏**

義曰：水北曰陽，故

知汶水北地釋例曰：汶水出泰山萊蕪。

○

夫人氏之喪

縣西南，經濟北至東平須昌縣入濟。

○

夫人氏之喪

至自齊君子以齊人殺哀姜也為已甚矣女

子從人者也

言女子有三從之義在夫家  
有罪非父母家所宜討也

經二年春王正月城楚丘

楚丘衛邑不言  
城衛衛未遷

**疏**

注

丘至未遷正義曰此決城邢也彼既遷訖乃為城之不言  
城夷儀而言城邢邢已遷也此則先城楚丘將以封衛言城

楚丘不言城  
衛衛未遷也

○夏五月辛巳葬我小君哀姜

無傳反  
哭成喪

故稱小君例  
在定十五年

○虞師晉師滅下陽

下陽虢邑在河東  
大陽縣晉於此始

赴見經滅例在襄十三年  
大音泰一音如字見賢遍反

○秋九月齊侯宋公江

人黃人盟于貫

貫宋地梁國蒙縣西北有貫城貫與貫  
字相似江國在汝南安陽縣貫古亂

反貫市夜  
反又音世

**疏**

江人黃人○正義曰公羊穀梁皆云江人黃  
人遠國之辭言其實是君也以其遠國降而

稱人賈云江黃稱人刺不度德善鄰恃齊背楚終為楚所滅  
其意雖異皆以江人黃人為國君親來杜以諸侯之賤不至

稱人則稱人者皆是其國之大夫耳齊桓威德○冬十月  
稍盛遠國來服齊桓謙以接遠故與宋公會之

不雨傳在三年○楚人侵鄭

傳二年春諸侯城楚丘而封衛焉君死國滅故傳言封疏

注君死至言封○正義曰封者聚土之名也天子之建諸侯必分之土地立其疆界聚土為封以記之故建國謂之封國

衛是舊國今云封者以其君死國滅更封建之故云封也不書所會後也諸侯既罷而魯後至

諱不及期故以獨城為文○晉荀息請以屈產之乘與垂棘之

璧假道於虞假道於虞○正義曰聘禮云若過他邦至于竟使次介假道東帛將命于

朝下大夫取以入告出許是禮過他國必假道也聘尚假道況乎伐國故請以璧馬假借也穀梁傳曰借道乎虞以

伐虢荀息荀叔也屈地生良馬垂棘出美玉故以為名四馬曰乘自晉適虢途出於虞故借道○屈求勿反又

居勿反注同乘繩證反注同公曰是吾寶也對曰若得道於

虞猶外府也公曰宮之奇存焉

宮之奇虞忠臣奇其宜反

對

曰宮之奇之為人也懦而不能強諫

懦弱也懦本又作

懦乃亂反又乃貨反字林作悞音乃亂反強其良反又其丈反

且少長於君君嚙之

雖諫將不聽

親而狎之必輕其言少詩照反長丁丈反嚙女乙反

乃使荀

息假道於虞曰冀為不道入自顛軫伐鄭三

門

前是冀伐虞至鄭鄭虞邑河東大陽縣東北有顛軫坂軫音零鄭亡丁反坂音反

疏

注前是至軫坂

正義曰服虔以為冀為不道伐鄭三門謂冀伐晉也冀之既病亦唯君故謂虞助晉也將欲假道稱前恩以誘之案傳荀息以寶假道公尚慮虞不許則晉之於虞舊非與國若其嘗經助晉則是昔來通好何憂乎不許而請進國之美寶尚畏官之奇諫乎故杜以為冀自伐虞虞自報冀以虞能報冀晉不能報虢言已弱以示其恥言虞彊以諛其心此雖無文理也必然冀之既病則亦唯君故

言虞報伐冀使病將欲假道故稱虞彊以

說其心冀國名平陽皮氏縣東北有冀亭○說音悅

今虢為不道保於逆旅

逆旅客舍也○虢稍遣人分依客舍以聚眾

疏注逆旅至邊邑○正義曰

抄晉邊邑○抄初教反又楚稍反強取物

晉語云陽處父過甯舍於逆旅甯羸氏知逆旅是客舍也逆

迎也旅客也迎止賓客之處也保者固守之語知其分依客

舍伺候抄晉邊邑既又人而保之觀其此語則虢晉接鄰但

向其都邑須過虞竟當以從彼詣虢路遙山險易來難往故

也

以侵敝邑之南鄙敢請假道以請罪于虢

問虢伐已

虞公許之且請先伐虢

喜於厚賂而欲求媚

宮

之奇諫不聽遂起師夏晉里克荀息帥師會

虞師伐虢滅下陽

晉猶主兵不信虞

疏

注晉猶至信虞○正義曰如傳之言

直云會虞伐虢未知誰為兵主但下云先書虞賄故也若虞

為兵主自當在先不須云先書虞也明晉實為主而仲尼先

書虞故知晉猶

先書虞賄故也

虞非倡兵之首而先書之惡貪賄也○賄呼罪

主兵不信虞也

反惡鳥  
○秋盟于貫服江黃也  
江黃楚與國也始來服齊故為合諸侯○

為子偽  
○齊寺人貂始漏師于多魚  
寺人內奄官豎貂也多魚

地名闕齊桓多嬖寵內則如夫人者六人外則幸豎貂易牙  
之等終以此亂國傳言貂於此始擅貴寵漏洩桓公軍事為

齊亂張本○寺如字又音侍寺人奄官名貂音  
彫豎上主反擅時戰反洩息列反又以制反  
**疏**注寺人

正義曰周禮內宰之屬有內小臣奄上士四人寺人王之正  
內五人內豎倍寺人之數寺人掌王之內人及女宮之戒令

內豎掌內外之通令皆掌婦人之事是自內小臣以下皆用  
奄人為官也鄭立云豎未冠者之官名然則此人名貂幼童

為內豎之官以為齊侯所寵後雖年長遂呼為豎貂焉此時  
為寺人之官故稱寺人貂也言漏師者漏泄師之密謀也漏

師已是大罪此云始者言其終  
又甚焉故言始以為齊亂張本  
○虢公敗戎于桑田

桑田虢地在引  
農陝縣東北  
晉卜偃曰虢必亡矣亡下陽不

懼而又有功是天奪之鑿  
鑿所以自照  
而益其疾

也驕則生疾必易晉而不撫其民矣不可以五稔

稔熟也為下五年晉滅虢張本○易以豉反稔入甚反○冬楚人伐鄭鬪章囚

鄭聃伯經書侵傳言伐本以伐興權行侵掠為後年楚伐鄭鄭伯欲成張本○聃乃甘反掠音亮

經二年春王正月不雨夏四月不雨一時不雨則書首月

傳例曰不日旱不為災疏三年注一時至為災○正義曰一時不雨則書首月者皆

竟時不雨次月不雨不復書也故夏四月不雨五月不雨不復書六月得雨乃書之此由不雨日久方始追書其事每時

一書所以詳其文也不於去年冬十月及今年正月不雨注必於夏四月不雨注者以下有六月雨既備書則五月不雨

亦應備書今唯云夏四月不雨故注云一時不雨則書首月以解五月不書不雨之意文二年自十有二月不雨至于秋

七月十三年自正月不雨至于秋七月二者皆摠書不雨又不書得雨之月與此年書不雨文異者穀梁傳曰一時言不

雨者閔雨也閔雨者有志乎民者也六月雨雨云者喜雨也喜雨者有志乎民者也文二年傳曰歷時而言不雨文不憂

喜雨者有志乎民者也文二年傳曰歷時而言不雨文不憂

喜雨者有志乎民者也文二年傳曰歷時而言不雨文不憂

喜雨者有志乎民者也文二年傳曰歷時而言不雨文不憂

喜雨者有志乎民者也文二年傳曰歷時而言不雨文不憂

喜雨者有志乎民者也文二年傳曰歷時而言不雨文不憂

喜雨者有志乎民者也文二年傳曰歷時而言不雨文不憂



雨也不憂雨者無志乎民也言僖有憂民之志故每時一書  
文無憂民之志是以歷時總書賈逵取以為說杜旣不注或  
亦史異  
○徐人取舒  
無傳徐國在下邳僮縣東南舒國  
今廬江舒縣勝國而不川大師亦

曰取例在襄十三年○邳  
皮悲反僮音童廬力居反  
思啓封疆今檢杜注徐在下邳舒在廬江相去甚遙而越竟  
滅國無傳無注不知所以襄十三年傳例曰凡書取言易也  
用大師焉曰滅然則滅之與取俱是絕其國家有其土地難  
則稱滅易則為取釋例曰用大師起大眾重力以陷敵因而  
有之故曰勝國通以滅為文也取者乘其衰亂或受其潰叛  
或用小師而不頓兵勞力則直言取如取如攜言其易也是  
勝國而不用大  
師亦為取也  
○六月雨  
不旱不  
竟夏  
○秋齊侯宋公江

人黃人會于陽穀  
陽穀齊地在東  
平須昌縣北  
○冬公子友

如齊泄盟  
泄臨也○泄  
音利又音類  
疏  
注泄臨也○正義曰公羊  
傳曰泄盟者何往盟乎彼

也來盟者何來盟于我也盟者殺牲歃血告誓神明人臨其  
上從我去者出我之意故言往彼臨視從外至者我兵臨視

故直舉 ○ 楚人伐鄭

其來 ○ 傳三年春不雨夏六月雨自十月不雨至于

五月不日旱不為災也 周六月夏四月於播種五稼無損夏戶雅反

秋會于陽穀謀伐楚也 二年楚侵鄭故 ○ 齊侯為陽

穀之會來尋盟冬公子友如齊蒞盟 公時不

故齊侯自陽穀遣人詣魯求尋盟魯使上卿詣齊受盟謙也為于偽反 ○ 楚人伐鄭鄭伯

欲成孔叔不可曰齊方勤我 孔叔鄭大夫勤恤鄭難難乃且反 弃

德不祥也 ○ 齊侯與蔡姬乘舟于圍蕩公

蔡姬齊侯夫人蕩搖也圍苑也蓋魚池在苑中 ○ 公懼變色禁之不可公

奴心歸之未絕之也蔡人嫁之 為明年齊侵蔡傳

經四年春王正月公會齊侯宋公陳侯衛侯

鄭伯許男曹伯侵蔡蔡潰民逃其上曰潰遂伐

楚次于陘遂兩事之辭楚強齊欲緩之以德故不速進而次陘陘楚地潁川召陵縣南有陘亭○陘

音邢召上照反傳皆同疏注遂兩事之辭○正義曰桓八年祭公來

謂本無向紀之心至魯始生意也穀梁傳曰遂繼事之辭也

此云兩事之辭謂既有上事復為下事不以本謀有心無心

為異也此齊侯先有伐楚之心因行而侵蔡耳三十年襄仲

將聘于周遂初聘于晉桓十八年公將有行遂與姜氏如齊

如此之類本謀為二事也六年諸侯伐鄭楚人圍許諸侯遂

救許莊十九年公子結媵陳人之婦于鄆遂及齊侯宋公盟

如此之類本無謀而因事便行也但是兩事

皆稱為遂故曰兩事之辭不別本謀與否

○夏許男

新臣卒未同盟而疏許男新臣卒○正義曰成十三年

赴以名曹伯盧卒于師此不言于師者穀

梁傳曰諸侯死於國不地死於外地死於師何為不地內桓

師也注云齊桓威德洽著諸侯安之雖卒於外與其在國同

賈逵云不言於師善會主加禮若卒於國左氏無此義釋例曰若卒于朝會或書師或書地者史之成文非義所存然則或言于師或不言于師亦是史有詳略無義例也注稱赴以名者公雖在軍死須相赴史得赴乃書耳 ○林楚

屈完來盟于師盟于召陵

屈完楚大夫也楚子道完如師以觀齊屈完觀

齊之盛因而求盟故不稱使以完來盟為文

**疏**

注屈完至縣也○正

齊桓退舍以禮楚故盟召陵召陵潁川縣也義曰公羊傳曰屈完者何楚大夫也何以不稱使尊屈完也曷為尊屈完以當桓公也其意言屈完楚之貴者尊之以敵齊侯若屈完足以自專無假君命不為楚子所使故作自來之文服虔取以為說案孔子曰君使臣以禮臣事君以忠此聖人之明訓也今乃尊人之臣許其不為君使輕人之主以為不合使臣是乃縱羣下以覬覦教強臣以專恣約之以禮豈當然乎故杜別為此解楚子本使屈完如師以觀齊師之強弱強則欲服弱則欲拒屈完觀齊之盛因而求盟盟非楚子之意故不稱使以屈完自來盟為文穀梁傳曰其不言使權在屈完也是其權時之便自來與齊盟也完之本意欲即盟於軍齊桓喜其來服退舍以禮楚言來盟于師書屈完之意也盟于召陵書實盟之所也成二年齊侯使國佐如師不

言來而此言來者彼既云如師不須稱來此不言如師故云來耳此既云來盟不復須言及屈完盟彼無來盟之文故別言及國佐盟意異於此故文不同服虔云言來者外楚也嫌楚無罪言來以外之來者自外之文非別罪之所在若以言來即爲罪楚則仲孫高子之來也復外齊而罪之乎且惡楚者當惡其辟在蠻夷負固不服不服之日容可外之服而又外欲何

○齊人執陳轅濤塗轅濤塗陳大夫。袁陳大夫氏也本多作轅濤

桃音○秋及江人黃人伐陳受齊命討陳之罪而以與謀爲文者時齊不行使魯

爲主與謀例在宣七年○與音預下同疏注受齊至七年○正義曰直言及

徵者及之宣七年傳例曰凡師出與謀曰及不與謀曰會而春秋征伐受命於盟主者實是與謀皆不言及釋例曰盟主

之令則上行乎下非匹敵和成之類故雖或先謀皆從不與謀之例然則此伐陳者受齊之命討陳之罪亦是上行乎下而經書及者於時齊師不行使魯爲主魯

與江黃謀之然後共伐故以與謀爲文 ○八月公至自伐楚無傳告 ○葬許穆公 ○冬十有二月公

于廟

孫茲帥師會齊人宋人衛人鄭人許人曹人

侵陳

公孫茲叔牙子叔孫戴伯

傳四年春齊侯以諸侯之師侵蔡蔡潰遂伐

楚楚子使與師言曰君處北海寡人處南海

唯是風馬牛不相及也

楚界猶未至南海因齊處北海遂稱所近牛馬風逸蓋未

界之微事故以取喻。近附近之近

**疏**

注楚界至取喻。正義曰襄十三年傳稱楚子囊述共王之德撫有蠻夷

奄征南海唯言征南海耳其竟未必至南海也因齊實處北海遂稱所近言其相去遠也服虔云風放也牝牡相誘謂之

風尚書稱馬牛其風此言風馬牛謂馬牛風逸牝牡相誘之蓋是未界之微事言此事不相及故以取喻不相干也

不虞君之涉吾地也何故管仲對曰昔召康公

命我先君大公

召康公周大保召公奭也。大音泰注同奭音釋

**疏**

召康公正義曰

謚法安樂曰五侯九伯女實征之以夾輔周室

撫民曰康

五等諸侯九州之伯皆得征討其罪齊桓因此命

以夸楚○女音汝夾古洽反舊古協反夸苦瓜反

夸楚○正義曰大公為王官之伯得以王命征討天下

所在各致其罰故五等諸侯九州之伯皆得征討其罪齊桓

因大公有此王命言已上世先公得征討有罪所以夸楚也

鄭玄以為周之制每州以一侯為牧二伯佐之九州有九侯

十八伯大公為東西大伯中分天下者當各統四侯半一侯

不可分故言五侯其伯則各有九耳侯為牧伯佐之言是周

制其事無所出也且征者征其所統之國非征侯伯之身何

當校計人數以充五九之言即如其言使伯佐牧二伯共佐

治而已非是分州之半復安得征九伯也

校數煩碎非復人情故先儒無同之者

賜我先君履

東至于海西至于河

疏東至于海西至于河○正義曰釋例曰海自遼西北平漁陽章

武渤海樂陵樂安北海東萊城陽東海廣陵吳郡會稽十四郡之東界以東河出西平西南二千里從西平東北經金城故北地朔方五原至故雲中南經平陽河東之西界東經河東河內之南界東北經汲郡頓丘陽平平原樂陵之東南入

海杜之此言據其當時之河耳禹貢導河積石至于龍門南  
至于華陰東至于底柱又東至于孟津東過洛汭至于大伾  
北過降水至于大陸又北播為九河同為逆河入于海案驗  
其地自大伾以上河道不改大伾以下即為汲郡以東河水  
東流秦漢以來始然也古之河道自大伾而北過降水故迹  
不可復知其大陸則趙地之廣澤也大陸以北播為九河九  
河故道河間成平以南平原鬲縣以北其九河者徒駭一大  
史二馬頰三覆釜四胡蘇五簡六絜七鉤盤八鬲津九徒駭  
最西以次而東故鄭注禹貢河間弓高縣往往有其處中候  
云齊桓霸過入流以自廣計桓公之時齊之西竟當在九河  
之最西徒駭蓋是齊之西界其東

至于海當盡樂安北海之東界也 **南至于穆陵北至**  
**于無棣** 穆陵無棣皆齊竟也履所踐履之界齊桓又  
因以自言其盛。棣大計反竟音境下皆同 **爾**

**貢包茅不入王祭不共無以縮酒寡人是徵**

包裹束也茅菁茅也束茅而灌之以酒為縮酒尚書包匭菁  
茅茅之為異未審。共音恭本亦作供下及注同縮所六反  
裹音果菁子丁反苞或 **疏** 注包裹至未審。正義曰禹貢  
作包匭音軌本或作軌 **疏** 荆州包匭菁茅孔安國云其所



包裹而致者甌匣也菁以爲菹茅以縮酒郊特牲云縮酌用  
茅鄭玄云沛之以茅縮去滓也周禮甸師祭祀共蕭茅鄭興  
云蕭字或爲菑菑讀爲縮束茅立之祭前沃酒其上酒滲下  
去若神飲之故謂之縮縮滲也故齊桓公責楚不貢包茅王  
祭不共無以縮酒杜用彼鄭興之說也孔安國以菁與茅別  
杜云茅菁茅則以菁茅爲一特令荊州貢茅必當異於餘處  
但更無傳說故云茅之爲異未審也沈氏云太史公封禪書  
云江淮之間一茅三脊杜云未審者以三脊之茅比目之魚  
比翼之鳥皆是靈物不可常貢故杜云未審也

**昭王南征而不復寡人是**

**問**

昭王成王之孫南巡守涉漢船壞而溺周人諱而不  
赴諸侯不知其故故問之○守手又反溺乃歷反

**疏**

注昭王至問之○正義曰昭王成王之孫周本紀文也呂氏

春秋季夏紀云周昭王親將征荆蠻辛餘靡長且多力爲王

右還反涉漢梁敗王及祭公隕于漢中辛餘靡振王北濟反

振祭公高誘注引此傳云昭王之不復君其問諸水濱由此

言之昭王爲沒於漢辛餘靡焉得振王北濟也振王爲虛誠

如高誘之注又稱梁敗復非船壞舊說皆言漢濱之人以膠

膠船故得水而壞昭王

溺焉不知本出何書

**對曰貢之不入寡君之罪**

也敢不共給昭王之不復君其問諸水濱

昭王

時漢非楚竟故不受罪

**疏**

注昭王至受罪。正義曰楚世家成王封熊繹於楚以子男之田國居丹

陽宋仲子云丹陽南郡枝江縣也枝江去漢其路甚遙昭王時漢非楚竟故不受罪也

師進次于

涇

楚不服罪故復進師。復扶又反

夏楚子使屈完如師

如涇之師

觀強弱

師退次于召陵

完請盟故

齊侯陳諸侯之師與

屈完乘而觀之

乘共載。乘繩證反注同

齊侯曰豈不穀是

為先君之好是繼與不穀同好如何

言諸侯之附從非為

已乃尋先君之好謙而自廣因求與楚同好孤寡不穀諸侯謙稱。是為于偽反注同好呼報反下及注同稱尺證反

**疏**

言諸至謙稱。正義曰諸侯之交必稱先君以相接此時諸侯有魯宋陳衛鄭許曹桓公以前皆嘗與齊交接

故齊侯稱繼先君之好謙以自廣也老子曰孤寡不穀王侯之謙稱也曲禮云諸侯與民言自稱寡人庶方小侯自稱曰

孤其在四夷雖大曰子於內自稱不穀禮記雖爲定例事在臨時所稱此齊侯自稱不穀襄王出奔亦稱不穀皆出自當時之意耳爾雅訓穀爲善穀是養人之物言我不似穀之養人是謙也

對曰君惠徼福

於敝邑之社稷辱收寡君寡君之願也齊侯

曰以此衆戰誰能禦之以此攻城何城不克

對曰君若以德綏諸侯誰敢不服君若以力

楚國方城以爲城漢水以爲池

方城山在南陽葉縣南以言竟土之

遠漢水出武都至江夏南入江言其險固以當城池。傲古堯反要也漢以爲池本或作漢水以爲池水衍字葉始涉反

當丁浪反雖衆無所用之屈完及諸侯盟。陳轅

濤塗謂鄭申侯曰師出於陳鄭之間國必甚

病

申侯鄭大夫當有共給之費故。費芳味反

若出於東方觀兵於東

夷循海而歸其可也

東夷鄭音徐夷也觀兵示威。鄭音談。

申侯曰

善濤塗以告齊侯許之

許出東方

申侯見曰師老

矣若出於東方而遇敵懼不可用也若出於

陳鄭之間共其資糧屣屣其可也

屣草屣。見賢遍反糧音

良屣符費反

疏

資糧屣屣。正義曰少儀云君將適他臣如致金玉貨貝於君則曰致馬資於有司鄭玄云資

猶用也然則諸所費用之物皆為資也糧謂米粟行道之食也屣屣俱是在足之物善惡異名耳楊雄方言云屣屣屣也絲作之曰履麻作之曰屣不借粗者謂之屣喪服傳曰疏屣者蕪蒯之菲也是屣用草為之也注云草屣者屣屣通言耳相形以曉人也

齊侯說與之虎牢

還以鄭邑賜之。說音悅

執

轅濤塗。秋伐陳討不忠也

以濤塗為誤軍道

許穆

公卒于師葬之以侯禮也

男而以侯禮加一等

凡諸侯

薨于朝會加一等

諸侯命有三等公為上等侯伯中等子男為下等

死王

事加二等

謂以死勤事

疏

諸侯薨至二等。正義曰沈氏云朝會亦王事而別言死王事者謂

因王事或戰陳而死故別其文也

於是有以袞斂

袞衣公服也謂加二等。袞古本反

袞冕上公服斂力驗反

○冬叔孫戴伯帥師會諸侯之師

侵陳陳成歸轅濤塗

陳服罪故歸其大夫戴謚也

○初晉獻

公欲以驪姬為夫人卜之不吉筮之吉

疏

不吉筮之吉。正義曰曲禮云卜筮不相襲鄭玄云卜不吉則又筮筮不吉則又卜是瀆龜筮也晉獻公卜娶驪姬不吉公曰筮之是也如彼記文卜之不吉不合更筮但獻公既愛驪姬欲必尊其位故卜既不吉更令筮之冀乎筮而得吉所以遂己心也詩云我龜既厭不我告猶鄭玄云卜筮數而瀆龜靈厭之不復告其所圖之吉凶由是貫瀆龜筮不復告之以實故終實不吉而筮稱其吉是筮非不知而不以實告也周禮筮人云凡國之大事先筮而後卜鄭玄云當用卜者

先筮之即事漸也於筮之凶則止不卜而傳稱桓公卜季友  
 晉獻公卜驪姬晉文公卜納王趙鞅卜救鄭皆先卜而後筮  
 者周禮言其正法耳春秋之世臨時請問者或卜或筮出自  
 當時之心不必皆先筮後卜崔靈恩以為國之大事先筮而  
 後卜筮凶則止不卜者筮必以三代之法若三法皆凶則止  
 不卜若兩法是凶一法為吉名為筮逆猶是疑限故更卜以  
 決之則洪範筮逆龜從是也故大卜掌三兆三易儀禮特牲  
 少牢筮皆旅占是筮有眾占之法則靈恩之說義亦可通

公曰從筮卜人曰筮短龜長不如從長

物生而後

有象象而後有滋滋而後有數龜象筮數  
 故象長數短。不如依字讀或音而據反

**疏**

注物生至數短。正義曰

筮數以上皆十五年傳文象者物初生之形數者物滋見之  
 狀凡物皆先有形象乃有滋息是數從象生也龜以本象金  
 木水火土之兆以示人故為長筮以末數七八九六之策以  
 示人故為短周禮占人掌占龜鄭玄云占人亦占筮言掌占  
 龜者筮短龜長主於長者亦用此傳為說案易繫辭云蓍之  
 德圓而神卦之德方以知神以知來知以藏往然則知來藏  
 往是為極妙雖龜之長無以加此聖人演筮以為易所知豈  
 短於卜卜人欲令公舍筮從卜故云筮短龜長非是龜能實

長杜欲成筮短龜長之意故引傳文以證之若至理而言卜筮實無長短且其繇曰專之

渝攘公之瑜繇卜兆辭渝變也攘除也瑜美也言變乃除公之美。繇直救反渝羊朱反下瑜同

音攘如一薰一蕕十年尚猶有臭薰香草猶臭草十年有臭言善易消

羊反惡難除。薰許云反

蕕音由易以豉反疏專之至有臭。正義曰言公若專心愛之公心必將改變變乃除公

之美公先有美此人將除去之薰是香草蕕是臭草一薰一蕕言分數正等使之相和雖積十年尚猶有臭氣香氣盡而

臭氣存言善惡聚而多少敵善不能止惡而惡能消善。注

繇卜至之美。正義曰筮卦之辭亦名為繇但此是卜人之

言知是卜兆辭也卜人舉此辭以止公則兆頌舊有此辭非

卜人始為之也卜人言其辭而不言其意不知得何兆此義

何所出也渝變攘除皆釋言文也釋畜云夏羊牡瑜牝殺則

瑜是羊之名美善之字皆從羊故瑜為美也變乃除公之美

言公心必變而除公美也。注薰香至難除。正義曰此傳

之意言善惡相雜二字皆從草知是香草臭草也月令五時

各言其臭中央土云其臭香易繫辭云其臭如蘭傳稱在君

之臭味則臭是氣之摠名元非善惡之稱但既謂善氣為香

之臭味則臭是氣之摠名元非善惡之稱但既謂善氣為香

之臭味則臭是氣之摠名元非善惡之稱但既謂善氣為香

之臭味則臭是氣之摠名元非善惡之稱但既謂善氣為香

故專以惡氣為臭耳。十是數之。小成故舉以為言焉。十年香氣盡矣。惡氣尚存。言善易消而惡難滅也。杜知薳是臭者。內則云牛夜鳴。則膺彼膺亦是臭義。其字雖異。其意亦同。尚猶有臭。猶則尚之義。重言之耳。猶尚書云弗遑暇食。遑則暇也。

必不可弗聽立之生奚齊其娣生卓子及將

立奚齊既與中大夫成謀姬謂大子曰君夢

齊姜必速祭之齊姜大子母言求食。卓吐濁反。大子祭于曲沃

歸胙于公胙祭之酒肉。胙才故反。公田姬寘諸宮六日公

至毒而獻之毒酒經宿輒敗而經六日。明公之惑。寘之鼓反。公祭之地

地墳與犬犬斃與小臣小臣亦斃公田至亦斃。正義曰。

曰晉語說此事云公田驪姬受胙乃寘酖於酒寘葦於肉公至召申生獻公祭地地墳申生恐而出驪姬與犬肉犬斃飲小臣酒亦斃此傳既略當如國語也賈逵云葦烏頭也穀梁傳曰以酖為酒藥脯以毒。注毒酒至之惑。正義曰毒



酒經宿便敗而公不怪其六日仍得如故明公之惑於驪姬不以六日為怪也

子大子奔新城新城曲沃。墳扶粉反。斃婢世反。公殺其傅杜原

款或謂大子子辭君必辯焉以六日之狀自理。款苦管反。辯兵免反。

大子曰君非姬氏居不安食不飽我辭姬必

有罪君老矣吾又不樂吾自理則姬死。姬死則君必不樂。不樂為由吾也。

樂音洛。注同。曰子其行乎大子曰君實不察其罪被

此名也以出人誰納我十二月戊申縊于新

城姬遂譖二公子曰皆知之重耳奔蒲夷吾

奔屈二子時在朝為明年晉殺申生傳。被皮寄反。又皮綺反。縊一賜反。譖側鴉反。

經五年春晉侯殺其世子申生稱晉侯惡用讒書春從告。惡烏路。

反

**疏**

注稱晉至從告。正義曰公羊傳曰曷為直稱晉侯以殺殺世子母弟直稱君者甚之也言父子相殘惡

之甚者是惡其用讒殺大子故斥言晉侯以罪之罪晉侯則申生無罪也傳稱晉侯使以殺大子申生之故來告實以去年死告稱今年殺故以今年書也釋例曰晉魯久不交使而告殺申生則所告不必嘗有玉帛之使但欲廣聲其罪耳言廣聲其罪則晉侯謂讒言為實誣加大子以罪時史知其實改告而書之此傳不言書曰則是舊史然也。杞

伯姬來朝其子

無傳伯姬來寧寧成風也朝其子者時子在十歲左右因有諸侯子得行朝

義而卒不成朝禮故繫於母而曰朝其子。杞伯姬來絕句來歸寧朝其子猶言其子朝

**疏**

注伯姬至其子。正義曰伯姬未必是成風所生但哀姜既死成風得為夫人縱非其母亦得歸寧也沈氏云伯姬以莊二十五年六月歸于

杞假令後年生子則其年十四矣杜云十歲左右者以其從母言朝故云十歲左右也桓九年曹伯使世子射姑來朝是諸侯之子得有攝君之禮行朝之義但此子幼弱而卒不成朝故繫於母而曰朝其子也若其能行朝禮則世子當如射姑伯姬別。夏公孫茲如牟。叔孫戴伯娶於牟卿非君言來耳。命不越竟故奉公命聘於

牟因自為逆。竟音境為于偽反。疏注叔孫至為逆。正義曰牟是附庸之國唯桓十五年邾人牟人葛人來

朝自爾以來更不朝聘於魯魯不應使卿聘此小國當是叔孫聘妻已定但卿非君命不得越竟故諮公請使奉君命以聘因自為逆婦故傳稱

娶焉明其因娶而聘。公及齊侯宋公陳侯衛

侯鄭伯許男曹伯會王世子于首止惠王太子鄭也不名

而殊會尊之也首止衛地。秋八月諸侯盟于首止

陳留襄邑縣東南有首鄉。間無異事復稱諸侯者王世子不盟故也王之世子尊與土同齊桓行霸翼戴天子尊崇王室故殊貴世子。復扶又反

疏注間無至世子。正義曰公羊傳曰諸侯何以不序一事而再見者前目而後凡也言此諸侯還是上會之諸

侯故從省文不復序也昭十三年秋公會劉子晉侯云云于平丘八月甲戌同盟于平丘不言諸侯者為間無異事故也

九年夏公會宰周公齊侯云云于葵丘九月諸侯盟于葵丘言諸侯者為其間有伯姬卒故也此會盟之間無他異事復

稱諸侯者為王世子不盟故也穀梁傳曰復舉諸侯何也尊王世子而不敢與盟也釋例曰未有臣而盟君臣而盟君是

子可盟父故春秋王世子以下會諸侯者皆同會而不同盟是解復言諸侯者見王世子不與盟也王世子者王之儲副周禮膳夫掌養王及后世子歲終則會唯王及后世子之膳不會是其尊與王同也齊桓行霸翼戴天子尊崇王室故殊責王之世子於會則歷序諸侯言會王世子則王世子不序諸侯之列也盟則諸侯自盟世子不與是殊責世子也鄭

伯逃歸不盟

逃其師而歸之

**疏**

注逃其三年正義曰禮君行師從卿行

旅從雖則會盟必有師旅鄭伯棄其師眾輕身逃歸釋例曰國君而逃師棄盟違其典儀棄其章服羣臣不知其謀社稷不保其安此與匹夫逃竄無異故例在上曰逃是言稱逃之意也逃在盟前辟盟而逃故云逃歸不盟公還先告會盟故後書

○楚人滅弦弦子奔黃

弦國在弋陽鞅縣東南。鞅音犬。

○九

月戊申朔日有食之

無傳

○冬晉人執虞公

虞公貪璧

馬之寶距絕忠諫稱人以執同於無道於其民之例例在成十五年所以罪虞且言易也晉侯脩虞之祀而歸其職貢於王故不以滅同姓**疏**注虞公至為譏。正義曰書晉人執為譏。易以豉反虞公則從無道於民之例虞公於傳

未有不道之狀但虞公貪璧馬之寶拒絕忠諫諫者所以安  
存社稷保祐下民志在貪寶無恤民之意即為不道於民是  
故稱人以執之也實是滅其國而言執其君者所以罪虞公  
且言執之易釋例曰虞公昧於貨賄貪以自亡國非其國臣  
非其臣晉人取之若執一夫故稱人以執而不言滅罪虞且  
言易也二十五年衛侯燬滅邢傳曰同姓也故名虞亦晉之  
同姓不言晉侯名者傳稱晉侯脩虞祀且歸其職貢  
於王以是之故不以滅同姓為譏謂不書晉侯名也

傳五年春王正月辛亥朔日南至周正月今十一月冬至之

南極日日公既視朔遂登觀臺以望而書禮也朔視

親告朔也觀臺臺上構屋可以遠觀者也朔旦冬氣歷數之

所始治歷者因此則可以明其術數審別陰陽敘事訓民魯  
君不能常脩此禮故善公之得禮○登觀古亂反注同凡

臺以望絕句而書本或作而書雲物非也別彼列反  
分至啓閉必書雲物分春秋分也至冬夏至也啓立

災變也傳重申周典不言公者日官掌其職○重直用反為備故也素察妖祥疏

者日官掌其職○重直用反逆為之備

辛亥至備故也。正義曰辛亥朔者月一日也日南至者冬至日也天子班朔於諸侯諸侯受而藏之於大祖廟每月之朔告廟受而行之諸侯有觀臺所以望氣祥也公既親自行此視朔之禮遂以其日往登觀臺之上以瞻望雲及物之氣色而書其所見之物是禮也凡春秋分冬夏至立春立夏爲啓立秋立冬爲閉用此入節之日必登觀臺書其所見雲物氣色若有雲物變異則是歲之妖祥既見其事後必有驗書之者爲豫備故也視朔者月朔之禮也登臺者至日之禮也公常以一日視朔至日登臺但此朔卽是至日故視朔而遂登臺也。注周正至南極。正義曰日之行天有南有北常立八尺之表以候景之短長夏至之景尺有五寸日最長而景最短是謂日北至也自是以後日稍近南冬至之景一丈三尺日最短而景最長是謂日南至也冬至者十一月之中氣中氣者月半之氣也月朔而已得中氣是必前月閏閏前之月則中氣在晦閏後之月則中氣在朔閏者聚殘餘分之月其月無中氣半屬前月半屬後月是去年閏十二月十六日巳得此年正月朔大雪節故此正月朔得冬至也而杜長麻僖元年閏十一月此年閏十二月又閏之相去麻家大率三十二月耳杜於此閏相去凡五十月不與麻數同者杜推勘春秋日月上下置閏或稀或概自準春秋時法故不與常

厯同。○注視朔至得禮。○正義曰視朔者公既告廟受朔即聽視此朔之政是其親告朔也。禮天子曰靈臺諸侯曰觀臺釋宮云四方而高曰臺臺上構屋可以遠觀望故謂之觀臺也。古之爲厯者皆舉其大數周年有三百六十五日四分日之一分爲十二月則一月各有三十日十六分日之七是故從前月初節至後月初節必三十日有餘也。其日月之行天也。日行遲月行疾每二十九日過半而月及日謂之一月故從朔至朔唯二十九日過半耳。計一歲則有餘十一日而不得周年故作閏月以補之。計十九年而有七閏古厯十九年爲一章以其閏餘盡故也。步厯之始以朔旦冬至爲首厯之上元其年是十一月朔旦冬至至十九年閏餘盡復得十一月朔旦冬至故以十九年爲一章積章成部積部成紀治厯者以此章部爲法因此可以明其術數推之而知氣朔也。審別陰陽寒暑不失其時也。所以陳敘時事教訓下民魯君不能常脩此事故善公之得禮也。○注分春至其職。○正義曰一年分爲四時時皆九十餘日春之半秋之半晝夜長短等晝夜中分百刻故春秋之半稱春秋分也冬之半夏之半晝夜長短極極訓爲至故冬夏之半稱冬夏至也四時之氣寒暑不同春夏生物秋冬殺物生物則當啓殺物則當閉故立春立夏爲啓立秋立冬爲閉言物謂氣色者謂非雲而別有

氣色杜恐與雲相亂故別云氣色也周禮保章氏以五雲之物辨吉凶水旱降豐荒之祲象鄭玄云物色也視日旁雲氣之色降下也知水旱所下之國鄭眾云以二至二分觀雲色青為蟲白為喪赤為兵荒黑為水黃為豐眾之此言蓋出占候之書計雲氣之占不啻盡此而已但世絕其學故莫能知焉左傳諸所發凡皆是周之舊典既言禮也更復發凡是重申周典也直言必書雲物不更云公是日官掌其職非公所當親也劉炫規云書雲物亦是公親為之但上文有公既視朔故下文去公字耳今刪定知不然者上言公既視朔是傳家之語下云必書雲物是周公舊凡舊凡之文包諸侯天子若諸侯稱公書雲物則天子當稱王書雲物是知舊凡元無王公之文日官掌其事若以上文有公既視朔故知公字然則周公舊凡豈豫知自公既視朔沒去公字乎苟生異見妄規杜氏非也

子申生之故來告

釋經必須告乃書

初晉侯使士蔿為

二公子築蒲與屈不慎寘薪焉

不謹慎○為于偽反下乃為同

真之

疏

注不謹慎○正義曰不謹慎所為多寘薪於中焉若今樵木

夷吾訴之公



使讓之

謹讓之。謹棄戰反。

士為稽首而對曰

**疏**

士為稽首。正義曰周禮

大祝辨九拜一曰稽首二曰頓首三曰空首鄭玄云稽首拜頭至地也頓首拜頭叩地也空首拜頭至手所謂拜手也鄭唯解此三者拜之形容所以為異也稽首頭至地頭下緩至地也頓首頭不至地暫一叩之而已尚書每稱拜手稽首者初為拜頭至手乃復叩頭以至地至手是為拜手至地乃為稽首然則凡為稽首者皆先為拜手乃成稽首故尚書拜手稽首連言之傳雖不言拜手當亦先為拜手乃為稽首稽首拜手共成一拜之禮此其為敬之極故臣於君乃然孔安國以為盡禮致敬知此是禮之極盡也大祝九拜又云四曰振動五曰吉拜六曰凶拜七曰奇拜八曰褒拜九曰肅拜鄭玄云振動戰栗變動之拜拜而後稽顙謂齊衰不杖以下者凶拜稽顙而後拜謂三年服者奇拜謂一拜荅臣下拜褒拜再拜拜神與尸肅拜今時擡也介者不拜說者又以為稽首臣首臣拜君也頓首謂敵者相拜也空手謂君荅臣拜也

聞之無喪而感憂必讎焉

讎猶對也

無戎而城讎

必保焉

保而守之

寇讎之保又何慎焉守官廢命

不敬固讎之保不忠失忠與敬何以事君詩

云懷德惟寧宗子惟城

詩大雅懷德以安則宗子之固若城疏

詩云

至惟城。正義曰詩大雅板之七章懷和也寧安也和其德以撫民則其國惟安矣但能以德安國則宗子之固若城

君其脩德而固宗子何城如之

言城不如固宗子三年

將尋師焉焉用慎

尋用也。焉用於處反

退而賦曰狐裘

龙茸一國三公吾誰適從

士為自作詩也龙茸亂貌公與二公子為三言

城不堅則為公子所訴為公所讓堅之則為固讎不忠無以事君故不知所從。龙莫江反又音蒙茸如容反又音戎適

從丁歷反及難公使寺人披伐蒲重耳曰君父之

命不校乃徇曰校者吾讎也踰垣而走披斬

其祛遂出奔翟

祛祛也。難乃且反披普皮反校音教徇似浚反垣音表祛起魚反翟音狄祛

面世

**疏**

注祛袂也。正義曰禮深衣記云袂之長短反謂之及肘喪服云袂屬幅祛尺二寸幅謂衣之身也

袂屬於幅長於手反屈至肘則從幅盡於袖口摠名爲袂其袂近口又別名爲祛此斬其祛斬其袖之末也詩唐風羔裘

傳云祛袂末鄭玄玉藻注云祛袂口也。但袂是摠名得以袂表祛故云祛袂。夏公孫茲如

**牟娶焉**

因聘而娶故傳實其事。娶七喻反本又作取。

會于首止會王大

**子鄭謀寧周也**

惠王以惠后故將廢大子鄭而立王子帶故齊桓帥諸侯會王太子以定其位

**疏**

注惠王至其位。正義曰二十四年傳曰不穀不德得罪于母氏之寵子帶書曰天王出居于鄭辟母弟之難

也如彼傳文則襄王與子帶俱是惠后所生但其母鍾愛其少子故欲廢大子而立之周本紀云襄王母早死後母曰惠

后生叔帶與傳不同史記繆也七年惠王崩襄王畏子帶不敢發喪知此時有廢大子之意故齊桓帥諸侯會太子定其

位安王

國也。陳轅宣仲怨鄭申侯之反已於召陵

宣仲轅

故勸之城其賜邑

齊桓所賜虎牢

曰美城之大

濤塗

名也子孫不忘吾助子請乃為之請於諸侯

而城之美樓櫓之備美設○美城之絕句櫓音魯遂譖諸鄭伯曰

美城其賜邑將以叛也申侯由是得罪為七年鄭殺申

侯○秋諸侯盟王使周公召鄭伯曰吾撫女

以從楚輔之以晉可以少安周公宰孔也王根齊桓定太子之位故召

鄭伯使叛齊也晉楚不服於齊故以鎮安鄭○秋諸侯盟本或此下更有于首止三字非女音汝鄭伯喜

於王命而懼其不朝於齊也故逃歸不盟孔

叔止之曰國君不可以輕輕則失親孔叔鄭大夫親黨援

也○輕遣正反下同失親患必至病而乞盟所喪多矣君

必悔之弗聽逃其師而歸喪息○楚鬪穀於

菟滅弦弦子奔黃於是江黃道栢方陸於齊

皆弦姻也姻外親也道國在汝南安陽縣南栢國名汝南西平縣有栢亭弦子恃之

而不事楚又不設備故亡○晉侯復假道於

虞以伐虢宮之奇諫曰虢虞之表也虢亡虞

必從之晉不可啓寇不可翫翫習也○復扶又一反下六年經注同一

之謂甚其可再乎為二年假晉道滅下陽諺所謂輔車相

依唇亡齒寒者其虞虢之謂也輔頰輔車牙車○車尺奢反疏

注輔頰輔車牙車○正義曰易咸卦上九咸其輔頰舌三者並言則各為一物廣雅云輔頰也則輔頰為一釋名曰頰或

曰輔車其骨強可以輔持其口或謂牙車牙所載也或謂頰車也衛風碩人云巧笑倩兮毛傳云好口輔也如此諸文牙

車領車牙下骨之名也頰之與輔口旁肌之名也蓋輔車一處分為二名耳輔為外表車是內骨故云相依也公

曰晉吾宗也豈害我哉對曰大伯虞仲大王

之昭也大伯不從是以不嗣

大伯虞仲皆大王之子不從父命俱讓適

吳仲雍支子別封西吳虞公其後也穆生昭昭生穆以世次計故大伯虞仲於周為昭○大音秦下及注同昭上饒反注

同後昭號仲號叔王季之穆也

王季者大伯虞仲之母弟也號仲號叔王

季之子文王之母弟也仲叔皆號君字

**疏**

注王季至君字○正義曰大伯虞仲辟季歷適荆蠻若有適庶不須

相辟知其皆同母也周本紀云古公有長子曰大伯次曰虞仲大姜生季歷如史記之文似王季與大伯別母馬遷之言

疏繆耳此言號仲號叔王季之穆國語稱文王敬友二號故亦以為文王母弟母弟之言事無所出仲叔皆文王之時號

君字也據傳文鄭滅一號晉滅一號不知誰是仲後誰是叔後賈逵云號仲封東號制是也號叔封西號號公是也馬融

云號叔同母弟號仲異母弟號仲封下陽號叔封上陽案傳上陽下陽同是號國之邑不得分封二人也若二號共處鄭

復安得號國而滅之雖賈之言亦無明證各以意斷不可審知

為文王卿士勳在王

室藏於盟府

盟府司盟之官

**疏**

注盟府司盟之官。正義曰：周禮司盟掌盟載之法，會同則掌其盟約之載，既盟則貳之。鄭立云貳之者，寫副當以授六官，唯言會同之盟，不掌勳功之事，而得有二號之勳，藏在盟府者，凡諸侯初受封爵，必有盟誓之言。檀弓云：衛大史柳莊死，公與之邑，裘氏與縣，潘氏書而納諸棺。曰：世世萬子孫毋變也。其言即盟誓之辭也。漢書功臣侯表記高祖即位八載，天下乃平，始論功而定封侯者一百四十三人，封爵之誓曰：使黃河如帶，泰山若礪，國以永存，爰及苗裔。其誓即盟之類事，必有因於古明知以勳受封，必有盟要其辭當藏於司盟之府也。

乎其愛之也 **疏** 其愛之也。正義曰：愛之謂愛虞也。虞豈能親於桓莊乎？其當愛此虞也，服虔其作甚，注云：愛之甚，當謂愛桓莊之族甚也。愛之若甚，何以誅之？且文勢不順，又改字失真，繆之甚也。 桓莊之族何罪而以爲戮，不唯偏乎？ 桓叔莊伯之族，晉獻公患其偏盡殺之事，在莊二十五年。○偏彼力反。 **疏** 注：桓叔至五年。○正義曰：莊伯之族從父昆弟也。桓叔之

獻公患其偏盡殺之事，在莊二十五年。○偏彼力反。 **疏** 注：桓叔至五年。○正義曰：莊伯之族從父昆弟也。桓叔之

族從祖昆弟也唯言從祖昆弟舉疏者而略言耳

親以寵偪猶尚害之況

以國乎公曰吾享祀豐絜神必據我

據猶安也○享興兩

反對曰臣聞之鬼神非人實親惟德是依故

周書曰皇天無親惟德是輔

周書逸書

又曰黍稷

非馨明德惟馨

馨香之遠聞○聞音問又如字

又曰民不易物

惟德絜物

黍稷牲玉無德則不見饗有德則見饗言物一而異用○絜烏兮反是也

**疏**

周書

至絜物○正義曰皇天無親惟德是輔蔡仲之命文也黍稷非馨明德惟馨君陳文也人不易物惟德其物旅葵文也杜不見古文故以為逸書此傳與書異者其作絜師授不同字改易耳其意亦不異也民不易物者設有二人俱以物祭其祭相似不改易此物唯有德者絜此乃是物無德而薦神所不享則此物不是物也

如是則非德

民不和神不享矣神所馮依將在德矣若晉



取虞而明德以薦馨香神其吐之乎弗聽許

晉使宮之奇以其族行

行去也。馮皮冰反。下注同使所吏反。

疏

其

族行。正義曰。晉語云。宮之奇諫而不聽。出謂其子曰。將亡矣。吾不去。懼及焉。以其帑適西山。韋昭云。西山國西界也。

曰虞不臘矣

臘歲終祭眾神之名。臘力盍反。

疏

虞不臘矣。正義曰。月令孟冬臘門

閭及先祖五祀臘之見於傳記者。唯月令與此二文而已。秦本紀惠王十二年初臘。始皇三十一年更改臘曰嘉平。蔡邕

獨斷云。臘者歲終大祭。縱吏民宴飲。非迎氣。故但送不迎。應劭風俗通云。案禮夏曰嘉平。殷曰清祀。周曰大蜡。漢驚臘。臘

者獵也。田獵取獸祭先祖也。此言虞不臘矣。明當時有臘祭。周時獵與大蜡各為一祭。秦漢改曰臘。不蜡而為臘矣。

在

此行也。晉不更舉矣。

八月甲午晉侯圍

不更舉兵

上陽

上陽

上陽。魏國都在弘農陝縣東南。

問於卜偃曰。吾其濟乎。對曰。

克之。公曰。何時對曰。童謠云。丙之晨。龍尾伏

辰

龍尾尾星也日月之會曰辰日在尾故尾星伏不見○謠音遙見賢遍反

均服振振取

號之旅

戎事上下同服振振盛貌旂軍之旌旗○均如字同也字書作衿音同振音真注同

鶉之

賁賁天策焯焯火中成軍號公其奔

鶉鶉火星也賁賁鳥

星之體也天策傳說星時近日星微焯焯無光耀也言丙子平旦鶉火中軍事有成功也此已上皆童謠言也童齒之子未有念慮之感而會成嬉戲之言似若有馮者其言或中或否博覽之士能懼思之人兼而志之以為鑒戒以為將來之驗有益於世教○鶉述春反又常倫反賁音奔焯他門反說音悅近附近之近上時掌反齒初問反又恥問反毀齒也嬉戲許宜反其九月十月之交乎以星驗推之知九月月中丁仲反其九月十月之交謂夏之九月十月也交晦朔交會○夏戶雅反下同丙子旦日在尾月在策是夜日於尾月行疾故鶉火中必是時也疏童謠至時也至旦而過在策鶉火中必是時也正義曰釋樂云徒歌謂之謠言無樂而空歌其聲迢遙然也於時有童穉之子為此謠歌之辭故卜偃取以對公也夜之向明為晨日

月聚會爲辰星宿不見爲伏言乙日夜半之後丙日將旦之時龍尾之星伏在合辰之下當是之時軍人上下均同其服振振然而盛旂者晉軍旂也而往取虢故云取虢之旂南方鶉鳥之星其體賁賁然見於南方天策之星近日焯焯然無光耀甚微也鶉火之次正中於南方爾時其當成軍事也虢公其當奔走也既引童謠之言乃復指其時日在夏之九月十月之交乎謂九月十月晦朔之交也十月朔丙子之日平旦時日體在尾星月在天策星鶉火正中於南方必是時克之○注龍尾至不見○正義曰東方七宿皆爲蒼龍之宿其龍南首北尾角是龍角尾卽龍尾故云龍尾尾星也日月之會爲辰昭七年傳文於時日體在尾尾星與日同處其日俱出入故常伏不見也丙之晨者說文云晨早昧爽也謂夜將旦雞鳴時也○注戎事上下同服○正義曰周禮司服職云凡兵事韋弁服鄭玄云韋弁以韎韋爲弁又以爲衣裳今時伍伯緹衣古兵服之遺色然則在兵之服皆韋弁均服者謂兵戎之事貴賤上下均同此服也○注鶉鶉至世教○正義曰南方七宿皆爲朱鳥之宿其鳥西首東尾故未爲鶉首午爲鶉火已爲鶉尾鶉火星者謂柳星張也天策傳說星史記天官書之文莊子云傳說得之以騎箕尾傳說殷高宗之相死而託神於此星故名爲傳說星也傳說之星在尾之末合

朔在尾故其星近日星微焯焯然無光耀也說文云亂毀齒也男入月齒生八歲而亂女七月齒生七歲而亂童齒之子未有念慮之感不解自爲文辭而羣聚集會成此嬉遊遨戲之言其言韻而有理似若有神馮之者其言或中或否不可常用博覽之士及能懼思之人兼而志之以爲鑒戒以爲將來之驗有益於世教故書傳時有採用之者文三年傳曰孟明之臣也其不解也能懼思也能懼思之人謂孟明之類也○注是夜至在策○正義曰以三統麻推之此夜是月小餘盡夜半合朔在尾十四度從乙夜半至平旦日行四分度之一月行三度有餘故丙子旦日在尾星月在天策鶉火之次正中也月令孟冬之月日在尾昏危冬十一月丙子朔中旦七星中七星則鶉火次之星也

晉滅虢虢公醜奔京師不書不告也周十師還館二月夏之十月

于虞遂襲虞滅之執虞公及其大夫井伯

以媵秦穆姬秦穆姬晉獻公女送而脩虞祀且歸

其職貢於王虞所命祀○正義曰虞受王所命祀命之祀謂天子命虞使祀其竟

丙山川之神也既滅其國故代虞祭之

故書曰晉人執虞公罪虞且

言易也

○易以鼓反

附釋音春秋左傳注疏卷第十二

卷第十二

江西南昌府學棗

春秋左傳注疏卷十二 技勘記 阮元撰盧宣旬摘錄

附釋音春秋左傳注疏卷第十二

僖元年盡五年宋本春秋正義卷第十一石經春秋

經傳集解僖上第五岳本纂圖本僖下有公字釋文同並盡十五年

**僖**

史記漢書五行志律厯志僖並作釐案史漢多作釐

**經元年**

齊師宋師曹伯次于聶北救邢

石經曹伯作曹師不誤案莊二年經冬公次于滑正義襄

廿三年傳八月叔孫豹帥師救晉次于雍榆正義並作曹師

齊人以歸

石經以下有尸字似後人依閔二年傳增入不足為據

知非後盟也

閩本監本毛本非作其案隱十年襄五年正義並作非是也

偃邾地

此三字監本毛本並脫

公子友帥師敗莒師于鄆獲莒拏石經宋本淳熙本岳本足利本拏作拏是也釋文亦  
作拏傳司

拏莒子之弟

纂圖本閩本監本毛本拏作拏非此本正義不誤

莒釋非卿

補案釋當作拏各本皆不誤今訂正

齊侯既殺哀姜

淳熙本既誤旺

不稱姜闕文

淳熙本脫文字

故其以經無姜字

宋本閩本監本毛本其作杜不誤今依訂正

**傳元年**

義存君親

淳熙本存誤有

故無深淺常准

閩本監本毛本深淺誤到



但州牧於是竟內

宋本監本毛本是作其盧文昭按云於是作是其非也

故公要而敗之

纂圖本閩本監本毛本脫公字

邾之於魯

宋本毛本於作與

君子以齊人殺哀姜也

石經宋本淳熙本岳本足利本人下有之字

非父母家所宜討也

閩本監本毛本脫家字

**經二年**

梁國蒙縣西北有貫城貫與貫字相似

宋本纂圖本閩本監本毛本作貫城

貫與不誤岳本作貫與貫字形相近而誤水經注引無與字郡國志注引與上有字字

則稱人者

宋本則下有此字是也

**傳三年**

假道於虞

宋本此節正義在以伐虢注下

途出於虞故借道

宋本閩本纂圖本監本毛本借作假

懦而不能強諫

釋文云懦本又作孺強宋本作彊

入自顛幹

水經注四引作巔幹

保於逆旅

荀子作御旅御與迓通尚書迓字皆作御

虢稍遣人分依客舍以聚衆抄晉邊邑

釋文無衆字

舍於逆旅甯嬴氏

閩本監本毛本嬴作贏非也

自當有先

宋本有作在不誤。今訂正

故知晉猶主兵

閩本監本毛本主兵誤倒

寺人內奄官豎貂也

淳熙本內誤多豎誤豎宋本作賢亦非下同

經三年

方始追事其事

閩本監本毛本作追叙宋本作追書不誤○今訂作書

故曰勝國通以滅為文也

浦鏜正誤曰下疑脫滅故二字案浦鏜非釋例曰作名

或用小師而不頓兵勞力

浦鏜正誤小作少頓閩本監本毛本作頓非也襄十三年

正義引亦作頓

秋齊侯宋公江人黃人會于陽穀

淳熙本齊誤徐

冬公子友如齊涖盟

顧炎武云石經涖誤泣案石經不誤炎武所據乃諺刻也

往盟乎彼也

閩本監本毛本乎作于非也

傳三年

夏六月雨

石經六作四是也

於播種五稼無損

足利本無種字

三年楚侵鄭故

傳熙本岳本三作二不誤。今訂作二

祥喜也

補各本喜作善此本誤喜今訂正

未絕之也

石經宋本淳熙本作未之絕也

**經四年**

夏許男新臣卒

毛本臣誤城

楚子遣完如師以觀齊

閩本監本毛本如誤于

是乃縱羣下以覲覲

宋本覲誤覲

教強臣以專恣

宋本強作彊下同。案此本強宋本皆作彊後不悉出

因而求盟

宋本而作則非

是其權時之便

宋本時作盟便作宜

自來與齊盟也

宋本來作求

來者自外之文

宋本自作目非也

若以言來即為罪楚

宋本若作君

齊人執陳轅濤塗

釋文轅作表云本多作轅案公羊穀梁作表宋王應麟云轅與表同

故不言主師

監本師作帥非

**傳四年**

襄十三年傳

閩本監本毛本三誤二

召康公

宋本以下正義二節摠入日五侯九伯注下

何當按計人數

監本毛本按計誤作計較閩本亦作較

西至于河 各本有至字此本脫今補上

東至于海西至于河 宋本此節正義在無棣注下

其大陸則趙地之廣澤也 閩本監本毛本脫地字

絜七 宋本絜作潔俗字

當盡樂安北海之東界也 宋本海作界非也

爾貢包茅不入 詩伐木正義後漢書公孫瓚傳注李善注藉田賦冊魏公九錫文並作苞茅不入文選六

代論作苞茅不貢高誘注淮南子同茅作茹案作苞是也史記樂書苞之以虎皮字從艸自石經始去艸頭後人往往仍

之

王祭不共 釋文共本亦作供下及注同案詩伐木篇正義李善注冊魏公九錫文高誘注淮南子顏師古注漢

書刑法志作供說文引傳亦作供

無以縮酒

正義曰郊特牲云縮酌用茅鄭元云師之以茅縮去滓也周禮甸師祭祀共蕭茅鄭興云蕭字或為

蓄蓄讀為縮臧琳云說文引春秋作無以蓄酒又詩伐木有酒滑我傳滑蓄之也箋云王有酒則沛蓄之據說文知左傳作無以蓄酒據甸師注知周禮作祭祀供蕭茅蓋毛詩周禮左傳皆古文故與六書之旨合

包裹束也

宋本岳本裏作裹非

尚書包匭菁茅

釋文匭本或作軌包作苞云或作包段玉裁云穀梁傳疏文選吳都賦劉注引書亦

作苞匭菁茅匭訓纏結讀為糾古音同在弟三部也古音簋軌字皆讀如九匭从匚軌聲古文簋字簋黍稷方器也故從匚鄭君於其同音得其義也

沛之以茅縮去滓也

聞本監本毛本沛作沫誤

昭王南征而不復

石經征下旁增沒字非唐刻不足據陳樹華云高誘注呂氏春秋音初引作沒而不

復似本有沒字也按高誘注或自以意增未可為典要

王及祭公隕于漢中

各本作王此本誤三今訂正浦  
正誤據呂氏春秋音初篇隕作扞

君其問諸水濱

說文類字注云水厓人所賓附類蹙不前而  
止從頁從涉案陳樹華云廣雅濱厓也類類

比也徐鉉曰今俗別作水濱非是又案大雅不云自類傳類  
厓也鄭氏云類當作濱正義曰以水厓之濱其字不應作類  
故破之也傳作類者蓋以古多假借或通用故也

君惠徼福於敝邑之社稷

釋文徼作傲是

漢水以為池

釋文無水字云或作漢水以為池水字衍案臧  
琳云杜注云方城山在南陽葉縣南漢水出武

都至江夏南入江則方城者山名漢者水名傳文漢不云水  
猶之方城不言山也

當有共給之費故

監本毛本共作供非

君將適也

各本也作他與少儀合此本也字誤今訂正

扉龕屨也

宋本龕作屨不誤閩本監本毛本作糶  
訂作屨



不借粗者謂之屨

閩本監本毛本不借二字脫案不借字詳方言釋名儀禮注

是屏用草為之也

閩本監本屏誤菲毛本作非亦誤

注云草屨者

案屨當作履故下云履屨通言耳今注丈作屨從定本也

侯伯中等

宋本淳熙本纂圖本中上有為字

謂以死勤事

宋本勤下有王字

諸侯薨至二等

宋本此節正義在注謂加二等之下

是瀆龜筮也

宋本筮作笑與鄭注曲禮合

龜靈厭之

閩本監本毛本靈誤虛

筮數以上皆十五年傳文

蒲鐘正誤筮作有不誤文閩本監本毛本誤作云

一薰一蕕

案鄭注內則引作一薰一膺字雖異而音義並同也

歸胙于公

顧炎武云石經脫胙字案石經此處闕炎武所據

姬寘諸宮六日

顧炎武云石經宮誤作公案石經此處利闕乃謬刻也

與犬犬斃

說文引傳斃作斃頓仆也从大敝聲或作斃五經文字云斃字注云見春秋傳又作斃同說詳隱元年釋文按勘記

當如國語也

補此本當上空一字各本直接上文不空

公殺其傅杜原款

顧炎武云石經傳誤傳案石經此處闕

**經五年**

逃其師而歸之

宋本淳熙本岳本足利本之作也

注逃其三年

宋本閩本監本毛本其下有至字是也

弦國在弋陽鞅縣東南

宋本岳本鞅作鞅葉抄釋文亦作鞅是也案漢書地理志江夏郡有

欽定四庫全書  
後漢書王霸傳子符徒封軼侯即是地也

**傳五年**

麻家大率三十二月耳

毛本二作三

言物謂氣色者

浦鐘正誤言作雲色下有災變也三字  
依注增補也

下云必書雲物

閩本監本毛本云作文非

若今椎木

宋本監本毛本椎作枅是也

乃復叩頭以至地

宋本叩作申

拜而後稽顙

宋本拜上有吉拜二字與周禮大祝注合

踰垣而走

石經宋本淳熙本岳本足利本踰作踰不誤○今  
依訂正

夏公孫茲如牟娶焉

釋文娶作取云本又作娶○案此娶取  
互誤

陳轅宜仲怨鄭申侯之反已於召陵

石經宋本岳本已作已不誤

於是江黃道栢方睦於齊

岳本足利本栢作栢案六經正誤云興國本作栢

一之謂甚

纂圖本閩本監本毛本謂誤為

為二年假晉道滅下陽

齊召南云為字訛當作謂

諺所謂輔車相依

案玉篇引作輔車相依

口旁朋之名也

宋本監本毛本朋作朋不誤。今依訂正

各以意斷

閩本監本毛本斷作解

注桓叔至五年

宋本此節正義在況以國乎之下

以其族行

宋本以下正義二節摠入虞不臘矣注下

案禮夏曰嘉平

宋本夏上有傳字

漢驚矚

監本作驚亦非宋本作漢改曰矚不誤

言漢文曰臘

浦鏜云秦誤言

不蜡而為臘矣

宋本矣作耳

均服振振

釋文均如字同也字書均作衤周禮司几筵疏引傳文作均段玉裁云買服杜君等皆為衤衤同也

今本疏衤字譌均

振振盛貌

段玉裁云李善注閒居賦盛作威

焯焯無光耀也

陳樹華云耀當作耀

童亂之子

岳本纂圖本作童亂釋文同也按今說文作亂从匕段玉裁云當从匕匕音化

以為鑒戒以為將來之驗

纂圖本閩本監本毛本脫以為鑒戒四字

今時伍伯緹衣

宋本伍作五按段玉裁按周禮司服注云玉海引作伍伯賈疏訓伍為行疑與

宰夫注五伯本異

注虞所命祀

宋本此節正義在且言易也之下

公言易也

石經宋本淳熙本岳本足利本公作且不誤

春秋左傳注疏卷十二按勘記

附釋音春秋左傳注疏卷第十三僖六年盡十四年

杜氏注

孔穎達疏

經六年春王正月。夏公會齊侯宋公陳侯

衛侯曹伯伐鄭圍新城新城鄭新密今滎陽密縣。秋楚人

圍許楚子不親圍以圍者告。諸侯遂救許皆伐鄭之諸侯故不復更敘。冬

公至自伐鄭無傳。疏公至自伐鄭。正義曰二十八年公會晉侯云云于溫諸侯遂圍許

二十九人公至自圍許此年會伐鄭遂救許不稱至自救許而云至自伐鄭與溫會反者釋例曰諸若此類事勢相接或以始致或以終致蓋時史之異也此事宦由公至自告廟所告不同史依告而書不為義例

傳六年春晉侯使賈華伐屈夷吾不能守盟

而行賈華晉大夫非不欲校力不能守言不如重耳之賢將奔狄郤芮曰後

出同走罪也

嫌與重耳同謀而相隨。卻去逆反芮如銳反。

不如之梁梁

近秦而幸焉乃之梁

以梁為秦所親幸秦既大國且穆姬在焉故欲因以求入。近

附近

夏諸侯伐鄭以其逃首止之盟故也

首止盟在

五圍新密鄭所以不時城也

實新密而經言新城者鄭以非時興土功

齊桓聲其罪以告諸侯

**疏**

注實新至諸侯。正義曰密是邑名鄭人新築密邑故傳稱新密經不稱圍新密言

圍新城傳云鄭所以不時城也解經言新城之意鄭以非時築城違禮害民齊桓聲其罪以告諸侯故書新城以新城為鄭之罪狀劉炫云先王之制諸侯無故不造城造城則攻其所造司馬法曰產城攻其所產是也。秋楚

子圍許以救鄭諸侯救許乃還。冬蔡穆侯

將許僖公以見楚子於武城

楚子退舍武城猶有忿志而諸侯各罷兵

故蔡將許君歸楚武城楚地在南陽宛縣北。見賢遍反罷皮罵反又皮買反宛於阮反許男面縛



銜璧大夫衰經士輿櫬縛手於後唯見其面以璧為贅手縛故銜之櫬棺也

將受死故衰經。衰七雷反經直結反注同櫬。初覲反贅音至一音置如字縛如字舊扶臥反。楚子問

諸逢伯逢伯楚大夫對曰昔武王克殷微子啓如是

微子啓紂庶兄宋之祖也。疏注微子至祖也。正義曰案宋世家云微子開者殷帝乙之首子而帝紂之庶兄周

武王克殷微子乃持其祭器造於軍門肉袒面縛左牽羊右

把茅臻行而前以告於是武王乃釋微子復其位成王誅武

庚乃命微子代殷之後國於宋史記之言多有錯謬微子手

縛於後故以口銜璧又焉得牽羊把茅也此皆馬遷之妄耳

武王親釋其縛受其璧而祓之祓除凶之禮。祓芳弗反徐音

廢說文云除。疏注祓除凶之禮。正義曰周禮女巫掌歲惡之祭也。時祓除謂之祓除明是除凶之禮也襄二

十九年稱公臨楚喪使巫以桃芻先祓殯此亦當以桃芻祓之。焚其襯禮而命之使復其所楚子從之

經七年春齊人伐鄭。夏小邾子來朝。無傳鄭

得王命而來朝也邾之別封故曰小邾鄭殺其大夫申侯。申侯鄭卿專利而不

厭故稱名以殺罪之也例在秋七月公會齊侯宋

公陳世子款鄭世子華盟于甯母。高平方與縣東有泥母亭

音如甯。毋如字又音無注同方音房曹伯班卒。無

與音預泥乃麗反又音甯王奴兮反公子友如齊。無傳罷盟而聘謝不敏也冬葬曹昭

公。無傳

傳七年春齊人伐鄭孔叔言於鄭伯曰諺有之

曰心則不競何憚於病。競強也憚難也。憚徒旦反難乃旦反下及八年經傳並

同疏。七年傳心則至於病。正義曰競彊也言心則不能彊盛則當須屈服於人何得難於屈弱之病而不下

齊既不能彊又不能弱所以斃也國危矣請

下齊以救國公曰吾知其所由來矣疏吾知其所

由來矣。正義曰孔叔既請鄭伯下齊公初欲下齊不知何

事而來得說於齊後更云吾知其說齊所由來矣謂由殺申

侯說齊之姑少待我欲以申侯說對曰朝不及夕

何以待君朝如夏鄭殺申侯以說于齊且用

陳轅濤塗之譖也濤塗譖初申侯申出也姊妹

為有寵於楚文王文王將死與之璧使行曰

唯我知女女專利而不厭予取予求不女疵

瑕也從我取從我求我不以女為罪釁。女音汝下後

之人將求多於女謂嗣君也求多以女必不免我

死女必速行無適小國將不女容焉

政狹法峻。狹音洽。

既葬出奔鄭又有寵於厲公子文聞其死也

曰古人有言曰知臣莫若君弗可改也已。

秋盟于甯母謀鄭故也管仲言於齊侯曰臣

聞之招攜以禮懷遠以德

攜離也。

德禮不易無

人不懷齊侯脩禮於諸侯諸侯官受方物

諸侯

官司各於齊受其方所當貢天子之物

**疏**

注諸侯至之物。正義曰周禮大行人云侯服貢祀物甸服貢嬪物

男服貢器物采服貢服物衛服貢材物要服貢貨物鄭玄云祀貢者犧牲之屬嬪物絲枲也器物尊彝之屬服物玄纁絺

纊也材物八材也貨物龜貝也如彼禮文諸侯所貢之物皆以服數為差尚書禹貢任土作貢皆貢土地所生不計路之

遠近然則周禮雖依服數亦貢土地所生不宜遠求他方之物以貢王也王室盛明之時每國貢有常職天子既衰諸侯

惰慢貢賦之事無復定準故霸主摠帥諸侯尊崇天子量其國之大小號令所出之物傳言諸侯各使官司取齊約束受其方所當貢天子之物言其一聽齊令美齊侯能以禮服諸侯鄭伯使大子華聽命

於會言於齊侯曰洩氏孔氏子人氏三族實

違君命三族鄭大夫洩息列反若君去之以為成我以鄭

為內臣君亦無所不利焉以鄭事齊如封內臣。去起呂反齊

侯將許之管仲曰君以禮與信屬諸侯而以

姦終之無乃不可乎子父不好之謂禮守命

共時之謂信守君命共時事。奸音干共音恭注同違此二者姦莫

大焉公曰諸侯有討於鄭未捷今苟有釁從

之不亦可乎子華犯父命是其釁。隙去逆反對曰君若緩之

以德加之以訓辭而帥諸侯以討鄭鄭將覆

亡之不暇豈敢不懼若搃其罪人以臨之將搃

領也子華奸父之命即罪人。覆芳服反鄭有辭矣何懼以大義為辭且夫

合諸侯以崇德也會而列姦何以示後嗣列姦

用子疏注列姦用子華。正義曰經書齊侯宋公陳世子

華。款鄭世子華盟于甯母則已列於會矣管仲方云

會而列姦何以示後嗣者桓公列之於會直是列其身耳管仲言列姦者謂將用其姦謀故杜云列姦用子華也不受子

華之請即是會不列姦他國無事可記齊史無所不隱故下句言他國記姦則廢君盟齊史隱諱則損盛德也夫

諸侯之會其德刑禮義無國不記記姦之位

位會位也子華為姦人而君明且缺且矢替廢也。替他計反作而

不記非盛德也君舉必書雖復齊史隱諱亦損盛德。復扶又反君其勿

許鄭必受盟夫子華既爲大子而求介於大

國以弱其國亦必不免介因也鄭有叔詹堵

叔師叔三良爲政未可問也齊侯辭焉子華

由是得罪於鄭○冬鄭伯使請盟于齊以齊侯不

聽子華故○堵丁古反○閏月惠王崩襄王惡大

叔帶之難襄王惠王大子鄭也大叔帶襄王弟惠后之

惡烏路反大音懼不立不發喪而告難于齊爲入

秦叔又作焠洮洮傳○洮

他刀反  
經八年春王正月公會王人齊侯宋公衛侯

許男曹伯陳世子款盟于洮王人與諸侯盟不譏者王室有難故洮曹

地疏

注王人至曹地。正義曰公羊傳曰王人微者曷為

何也貴王命也弁冕雖舊必加於首周室雖衰必先諸侯

例以為中士稱名下士稱人此言王人是天子之下也諸

侯相與為盟所以同辨王室天子之臣不與諸侯同盟釋例

曰未有臣而盟君臣而盟君是子可盟父故春秋王世子以

下會諸侯者皆同會而不同盟是言王臣正法不與諸侯盟

也二十八年踐土之盟傳稱王子虎盟諸侯于王庭杜云王

子虎臨盟不同敵故不書宣七年傳曰諸侯盟于黑壤王叔

桓公臨之以謀不睦杜云王叔桓公衛天子之命以監臨諸

侯不同敵尊卑之別也哀十三年傳曰公會單平公晉定公

吳夫差于黃池杜云平公周卿士也不書尊之不與會此三

者王臣皆不與盟是其正法然也若天子初立王室不安命

臣使結盟諸侯以安王室雖非正法事勢宜然既無褒美亦

無貶責此王人與諸侯盟不譏者王室有難王勅使來盟故

也文十年及蘇子盟于女栗傳曰頃王立故也襄三年公會

單子晉侯云云盟于雞澤杜云周靈王新即位使王官伯出

與諸侯盟以安王室皆事與此同以情義可許故都無貶責

二十九翟泉之盟於時諸侯輯睦王室無虞而王子虎下  
盟列國以瀆大典故貶稱王人是依禮不合故據法貶之春



秋王臣與諸侯會盟凡十有餘事譏與不譏皆從此例

### 鄭伯乞盟

新服未與會故不序列別言乞

盟○與音

### 疏

注新服至乞盟。正義曰鄭伯往年使子華預下同聽命心猶未服齊桓拒子華之請故今始服

從齊桓以其新服尚未與之會故不序列而別言乞盟止言乞盟不知與盟以否傳稱鄭伯乞盟請服也既言請服義無不受當是既盟之後而別與之盟諸言乞師皆乞得其師知此乞盟亦乞得其盟但盟理可見不復別言盟耳

### 狄伐晉○秋七月禘于大廟用致夫人

禘三年大祭之

名大廟周公廟致者致新死之主於廟而列之昭穆夫人淫而與殺不薨於寢於禮不應致故僖公疑其禮歷三禘今果行之嫌異常故書之

### 疏

注禘三至書之。正義曰釋天云禘大祭也言其大於四時之祭故

為三年大祭之名言每積三年而一為此祭也大廟廟之大者故為周公廟釋例曰三年喪畢致新死之主以進於廟廟之遠主當遷入祧於是乃大祭於大廟以審定昭穆謂之禘是說致者致新死之主於廟而列之昭穆也此致致哀姜也哀姜薨已多年非復新死而於今始致者傳發凡例夫人不薨于寢則不致哀姜例不應致故僖公疑其禮喪畢之日不

作禘祭之禮以致之既不為哀姜作喪畢禘祭其禘自從閔公數之二年除閔喪為禘至五年復禘今八年復禘姜死以來已歷三禘今因禘祭果復行之三年一禘禘自是常不為夫人禘祭因禘而致夫人嫌其異於常禮故史官書之若其不致夫人則此禘得常不書為用致夫人而書之耳  
○冬十有二月丁未天王

崩

實以前年閏月崩以今年十二月丁未告

傳八年春盟于洮謀王室也鄭伯乞盟請服

也襄王定位而後發喪

王人會洮還而後王定位

○晉里克帥

師梁由靡御虢射為右以敗狄于采桑

傳言前年事也

平陽北屈縣西南有采桑津。射食亦反

梁由靡曰狄無恥從之必大

克

不恥走故可逐

里克曰懼之而已無速眾狄

恐怨深而羣黨

來報虢射日期年狄必至示之弱矣

○期音基本或作替注同

夏狄伐晉報采桑之役也復期月

明期年之言驗

秋

禘而致哀姜焉非禮也凡夫人不薨于寢不

殯于廟不赴于同不耐于姑則弗致也

寢小寢同同盟

將葬又不以殯過廟據經哀姜薨葬之文則爲殯廟赴同耐姑今當以不薨于寢不得致也耐音附

疏

凡夫

已此說致之禮加以薨寢殯廟而不言反哭者蓋以致於廟者終始成其尊死生之禮畢不薨于寢死不得其所也不殯于廟葬之不以禮也死葬非禮則先神恥之故不具四事皆不合致反哭者直爲書葬以否假使不書其葬夫人之禮亦成自是生者之可譏非爲死者之有失雖不反哭亦得致之故於此不言反哭也。注寢小至致也。正義曰喪大記云男子不死於婦人之手婦人死於男子之手君夫人卒於路寢既言婦人死於男子之手必不得死於君之路寢言夫人卒於路寢謂卒於夫人之大寢對君路寢爲小故云小寢也同者同盟之國也檀弓曰喪之朝也順死者之孝心也其哀離其室也故至於祖考之廟而後行殷朝而殯於祖

周朝而遂葬士喪禮朝而遂葬與記正同知周法不殯於廟  
而此傳及襄四年皆云不殯于廟以為失禮知其將葬之時  
不以殯過廟耳殯過廟者將葬之時從殯宮出告廟乃葬非  
是殯尸於廟中也據經哀姜薨葬之文知其赴同耐始可矣  
亦知其殯於廟者以元年十二月喪至二年五月始葬明至  
則殯於寢也既殯於寢自然葬當朝廟故據葬文亦知殯廟  
唯當以不薨於寢不得致耳 ○冬王人來告喪難故也是以緩

有大叔帶之難 ○宋公疾大子茲父固請曰日夷長且

仁君其立之 茲父襄公也日夷茲父庶兄子魚也。父音甫長丁文反 公公命子魚

子魚辭曰能以國讓仁孰大焉臣不及也且

又不順 立庶不順禮 遂走而退

經九年春王三月丁丑宋公御說卒 四同盟。御魚呂反

說音悅 〔疏〕 注四同盟。正義曰御說以莊十三年即位十六年盟于幽十九年于鄆二十七年于幽僖元年于

檀四年于召陵五年于首止七年于甯母八年于洮皆魯宋俱在是爲八同盟不數莊公之盟檀盟經不書亦不數故云四同盟劉君乃數莊公之盟又不數召陵以爲六同盟而規杜非也。夏公會宰周公齊

侯宋子衛侯鄭伯許男曹伯于葵丘

周公宰孔也宰官周

采地天子三公不字宋子襄公也傳例曰

**疏**

注周公至葵丘正義曰

在喪公侯曰子陳留外黃縣東有葵丘。傳稱王使宰孔賜齊侯胙知周公卽宰孔也其官爲大宰采地名爲周天子三公故稱公孔則其名也穀梁傳曰天子之宰通於四海其意言宰者六官之長官名通於海內是故書其官名也通于四海者當謂大宰之長官耳其屬官不應得通而宰叵宰渠伯糾則必非長官亦稱爲宰者蓋自宰夫以上皆通也釋例曰今案春秋以考之其稱公者皆三公非五等之公也是言祭周公皆三公也釋例又曰王之公卿皆書爵則卿亦不字杜云三公不字者以入春秋以來家父南季皆大夫稱字宰周公承其後故云不字不於祭公逆王后注者因歷序諸國而言之莊八年傳曰連稱管至父戍葵丘杜云齊地臨淄縣西有地名葵丘知此葵丘與彼異者傳稱齊侯不務德而勤遠略西爲此會則此地遠處齊西不得

近在臨淄故釋例以爲宋地陳留外黃縣東有葵丘或曰河東汾陰縣爲葵丘非也經書夏會葵丘九月乃盟晉爲地主無緣欲會而不及盟

○秋七月乙酉伯姬卒

無傳公羊穀梁

也是說不同之意  
日未適人故不稱國已許嫁則以成人之禮書不復殤也婦人許嫁而笄猶丈夫之冠。復扶又反殤式羊反笄古兮反  
冠古疏注公羊至之冠。正義曰公羊傳曰此未適人何喚反以卒許嫁矣婦人許嫁字而笄之死則以成人之喪治之穀梁傳意亦與之同嫁於大夫死不書卒此許嫁者嫁於國君也但未往彼國不成彼國之婦故不稱國也喪服小記曰男子冠而婦人笄其義一也是許嫁而笄猶丈夫之冠也禮男子冠而不爲殤婦人笄而不爲殤故以成人之喪治之爲之服成人之服禮姊妹在室期出嫁大功檀弓曰姊妹妹之薄也蓋有受我而厚之者爲夫厚之故我降之也會子問云取女有吉日而女死如之何孔子曰壻齊衰而弔既葬而除之其夫不爲服則兄弟不爲降禮諸侯絕旁期此爲將嫁於諸侯故書其卒既書其卒當服其本  
服爲之齊衰期也但於時服否不可知耳

○九月戊辰

諸侯盟于葵丘

夏會葵丘次伯姬卒文不相比故重言諸侯宰孔先歸不與盟。比毗志反重

直用反與音預疏注夏會至與盟。正義曰平丘會後即盟不言

與音預疏諸侯為間無異事故也此亦會後為盟間有伯

姬卒盟會文不相比故重言諸侯又傳稱宰孔先歸則宰孔

不盟杜云宰孔先歸不與盟者欲見縱無伯姬之卒亦當重

言諸侯○甲子晉侯僝諸卒未同盟而赴以名甲子九月

盟後從赴。○注未同至從赴。正義曰甲子在戊辰之

僝九委反疏前而書在盟後從赴者赴在盟後也

春秋之世史失其守赴告之文多違禮制計諸侯之薨當具

以薨之月日告於鄰國隱三年傳曰王戌平王崩赴以庚戌

故書之是赴者妄稱日也襄二十八年傳曰王人來告喪問

崩日以甲寅告故書之是元赴不以日被問乃稱日也文十

四年傳曰七月乙卯夜齊商人弑舍齊人定懿公使來告難

故書以九月是赴者不言死月魯史不復審問即書以來告

之月也此甲子晉侯卒蓋赴以日而不以月魯史不復審問

書其來告之日唯稱甲子而已不知甲子是何月之日故在

戊辰後也若赴以九月告魯魯史當推其日之先後

不得甲子在戊辰後也明告不以月故書其日耳

○冬

晉里奚克殺其君之子奚齊

獻公未葬奚齊未成

君故稱君之子奚齊

受命繼位無罪故里克稱名  
殺如字傳同公羊音試

傳九年春宋桓公卒未葬而襄公會諸侯故

曰子凡在喪王曰小童公侯曰子

在喪未葬也小童者童蒙幼末

之稱子者繼父之辭公侯位尊上連王者下絕伯子男周康  
王在喪稱予一人劍禮稱亦不言小童或所稱之辭各有所  
施此謂王自稱之辭非諸下所得書故經無其事傳通  
取舊典之文以事相接。稱尺證反劍古堯反又音昭  
注在喪至相接。正義曰既言桓公未葬即發在喪之例知  
其在喪謂未葬也童者未冠之名童而又小故爲童蒙幼末  
之稱易蒙卦云匪我求童蒙童蒙求我蒙謂闇昧也幼童於  
事多闇昧是以謂之童蒙焉曲禮曰夫人自稱於其君曰小童鄭  
玄云小童若云未成人也王崩未葬嗣王自稱亦言已未成  
人也子者對父之名故云繫父之辭以未成君故繫於父不  
忍絕之稱也諸侯爵有五等唯言公侯曰子以公侯尊也傳  
稱在禮卿不會公侯會伯子男可也又子產云鄭伯男也使  
從公侯之貢懼弗給也是公侯之尊絕於伯子男也此既言  
王即云公侯是其與王相連特爲公侯立稱伯子男不得同

疏



之也春秋無伯子男在喪之事既不爲立稱又不得成君不知其當何所稱也然案桓十一年鄭忽出奔衛莊二十四年曹羈出奔陳杜云先君既葬不稱爵者國人賤之以名赴則既葬稱爵未葬稱名也周康王在喪稱予一人劉尚書康王之誥也曲禮云君天下者曰天子朝諸侯分職授政曰余一人天子未除喪曰余小子是禮天子自稱亦不言小童也此言王曰小童必有稱之時或所稱之辭各有所施但不知施何處耳如曲禮之文天子未除喪曰余小子則是未得稱一人而康王在喪稱予一人劉尚書當以諸侯列土之君將欲各歸其國故正其成君之稱以答諸侯也此小童者王謙自稱之辭非諸下所得書故經無其事其公侯曰子乃是史書之文二者非相類之事而并爲一凡是傳通取舊典之文以事類相接耳非言小童是策書之例也釋例郊雩蒸嘗例不云地祇及祔祠者經無其事故傳畧而不言此王曰小童亦經無其事所以言之者郊雩例多故經無者畧之此王曰小童與公侯相接其文簡約經雖無事亦連而言之釋例曰位彌高者事彌重重慮周於經遠故儀制異於凡人存其實篤其志足以敘親踈之情通萬事之理而已故諸列國之君在喪或不得已而脩會盟之事唯公侯特稱子以別尊卑是言獨爲公侯立稱之意春秋公侯稱子皆是其父未葬唯二十五

年公會衛子莒慶盟于洮於時衛文公已葬而成公稱子釋  
例曰衛文公欲平莒於魯未終而薨故衛子尋父之志魯人  
由此亦脩文公之好此孝子之至感人情之所篤故成公雖  
已免喪至於此盟降從在喪之名故經隨而書子傳從而釋  
之云脩文公之好也 ○夏會于葵丘尋盟且脩好禮也 好。

呼報反下于 王使宰孔賜齊侯胙 胙祭肉尊之比二  
好并注同 王後。胙才素反

**疏**注胙祭至王後。正義曰傳稱大子祭于曲沃歸胙于  
公此天子有事于文武賜齊侯以胙知胙是祭肉也周

禮大宗伯以脰膾之禮親兄弟之國鄭立云脰膾社稷宗廟  
之肉以賜同姓之國同福祿也脰膾即胙肉也言親兄弟之  
國則異姓不合賜也二十四年傳曰宋先代之後也於周為  
客天子有事膾焉是言二王之後禮合得之今賜齊侯是尊  
之比二 曰天子有事于文武 有祭 使孔賜伯舅胙  
王後也 事也

天子謂異姓 **疏**注天子至伯舅。正義曰曲禮曰五官之  
諸侯曰伯舅 長曰伯天子同姓謂之伯父異姓謂之伯

舅鄭立云謂為三公者周禮九命作 齊侯將下拜孔  
伯齊桓是九命之伯故以伯舅呼之

曰且有後命天子使孔曰以伯舅耄老加勞

賜一級無下拜

七十曰耄級等也。一音他結反勞力報反級音急。疏注

十曰耄級等也。正義曰釋言云耄老也舍人云年六十稱也郭璞云八十為耄釋名云八十曰耄耄鉄也皮黑如鉄彼

說或云六十或云八十杜云七十曰耄耄者耄之年齒既無明

文曲禮云七十曰老爾雅以耄為老故以為七十曲禮升階

之法云涉級聚足是級為等也

法當下拜賜之勿下是進一等對曰天威不遠顏

咫尺

言天鑒察不遠威嚴常在顏面之前八寸曰咫。咫之氏反。

疏

注言天至曰咫。正義曰顏謂額

也楊雄方言云顏額謂額也中夏謂之額東齊謂之額河頰

淮泗之間謂之顏魯語云肅慎氏貢楛矢長尺有咫賈逵亦

云八寸曰咫說文云周制寸尺咫尋皆以人之體為法中婦人手長八寸謂之咫周尺也

小白余敢貪

天子之命無下拜

小白齊侯名余身也

疏

注小白至身也。正義曰諸自稱余者當

稱名之處耳齊侯既稱小白而復言余故解之余身釋詁文

舍人曰余卑謙之身也孫炎曰余舒遲之身也郭璞曰今人

亦自呼  
為身

恐隕越于下

隕越顛墜也據天王居上故言  
恐顛墜于下○墜直類反下同

以

遺天子羞敢不下拜下拜登受

拜堂下受胙於堂  
上○遺于季反

〔疏〕

下拜登受○正義曰觀禮天子賜侯氏以車服諸公奉  
篋服如命書于其上自西階東面大史氏右侯氏升

西面立大史述命侯氏降兩階之間北面再拜稽首升  
成拜彼侯氏降階再拜是此下拜也升成拜是此登受○秋

齊侯盟諸侯于葵丘曰凡我同盟之人既盟

之後言歸于好

義取脩好故  
傳顯其盟辭

宰孔先歸

既會先  
諸侯去

○先諸侯  
悉薦反

遇晉侯曰可無會也

晉侯欲來  
會葵丘

齊侯不

務德而勤遠略故北伐山戎

在莊三  
十一年

南伐楚

在  
四

西為此會也東略之不知西則否矣

言或向  
東必不

能復西略○復扶  
又反下不復會同

其在亂乎君務靖亂無勤於行

在存也微戒獻不復晉侯乃還會齊○九月晉獻公卒

里克平鄭欲納文公故以三公子之徒作亂

平鄭晉大夫三公子申生重耳夷吾○平普悲反初獻公使荀息傅奚齊

公疾召之曰以是藐諸孤言其幼賤與諸子縣藐

縣音藐注言其至縣藐○正義曰藐者縣遠之言諸子皆

玄長而奚齊獨幼是小大相去縣藐也藐諸孤者言於諸子之孤欲屈辱荀息稽

首而對曰臣竭其股肱之力加之以忠貞其

濟君之靈也不濟則以死繼之公曰何謂忠

貞對曰公家之利知無不為忠也送往事居

耦俱無猜貞也往死者居生者耦兩也送死事生兩及

無疑恨所謂正也○猜七才反疑也

里克將殺奚齊先告荀息曰三怨將作三公子之徒

秦晉輔之子將何如荀息曰將死之里克曰

無益也荀叔曰吾與先君言矣不可以貳能

欲復言而愛身乎荀叔荀息也復言言可復也疏能欲復言而愛身乎。正

義曰意能欲使前言可反復而行之得愛惜身命不死乎雖無益也將焉辟之且

久之欲善誰不如我我欲無貳而能謂人已

乎言不能止里克使不忠於申生等。焉於處反下文焉能克同○冬十月里克殺奚

齊于次次喪寢書曰殺其君之子未葬也荀息

將死之人曰不如立卓子而輔之荀息立公

子卓以葬十一月里克殺公子卓于朝荀息

死之君子曰詩所謂白圭之玷尚可磨也斯

言之玷不可為也詩大雅言此言之缺難治甚於白圭。玷丁簞反又丁念反缺也。荀

息有焉有此詩人重言之義。齊侯以諸侯之師伐晉及

高粱而還討晉亂也高粱晉地在平陽縣西南。令不及魯故

不書前已發不書例今復重發嫌霸者異於凡諸侯。令力政反本又作命復扶又反重直用反。晉

卻芮使夷吾重賂秦以求入卻芮卻克祖父從夷吾者。從才用反。

曰人實有國我何愛焉言國非己之有何愛而不以賂秦。入而能

民士於何有從之能得民不患無士。齊隰朋帥師會秦

師納晉惠公隰朋齊大夫惠公夷吾。隰音習。秦伯謂卻芮曰

公子誰恃對曰臣聞亡人無黨有黨必有讎

言夷吾無黨無黨則無讎易出疏注言夷至勸秦。正義曰秦伯問公子誰恃問

易入以微勸秦。易並以政反。公子於晉國之臣倚恃誰為內主也。對言夷吾無黨無讎者田無黨故往前易出無讎故此時易入言易出易入以微勸

秦使納之夷吾弱不好弄弄戲也。好呼報反。能鬪不過有節制

長亦不改不識其他公謂公孫枝曰夷吾其

定乎公孫枝秦大夫子桑也。長于丈反。對曰臣聞之唯則定國

詩曰不識不知順帝之則文王之謂也詩大雅帝王也

則法也言文王闡行自然合天之法又曰不僭不賊鮮不為則僭過差也

賊傷害也皆忌克也能不然則可為人無好無惡不忌

法則。僭子念反下注同鮮息淺反不克之謂也今其言多忌克既僭而賊。好呼報反又如字惡鳥路反

難哉言能自定難公曰忌則多怨又焉能克是吾



利也

其言雖多忌適足以自害不能勝人

疏

唯則至利也。正義

曰唯身有則者乃能定國也詩美文王之德不認識古事不學知今事常順天之法則而行之爲此行者文王之謂也又曰人行不僭差不賊害能如此者少不爲人所法則言必爲人所法則也此二詩所云者無所偏好無所私惡不爲忌若不好勝人之謂也今其此夷吾之言多有所忌多欲陵人以此而求安定難哉今其言多忌克覆上不忌不克上既有無好無惡不覆之者以身行忌克則有私好私惡之心舉忌克足以包好惡也公曰多忌於人則多爲人怨又焉能勝人此乃是吾之利也無好無惡言文王之行也不忌不克述抑篇之義也引二詩於前以此言結之。注詩大至之法。正義曰詩大雅皇矣之篇也則法釋詁文彼鄭箋云其爲人不識古不知今順天之法而行之是言闇行自然合天地之法也禮記稱天無私覆地無私載合天地法者卽無偏好無私惡之謂也。注僭過至法則。正義曰詩大雅抑之篇也彼毛傳云僭差也鄭玄云不殘賊是賊爲害也心有所忌則多過差志在陵人必多爲賊害下云不忌不克覆述此文故言僭賊者皆忌克也。注其言至吾利。正義曰心忌前人則人亦忌己志在陵人則人亦陵己若使人皆忌之人皆陵之是

適足以自害不能勝人也秦伯聞其忌克慮其還來害己故以不能勝人爲是吾利也。宋襄公卽

位以公子目夷爲仁使爲左師以聽政於是

宋治故魚氏世爲左師。治直吏反

經十年春王正月公如齊無傳。狄滅温温子

奔衛蓋中國之狄滅而居其土地。晉里克弒其君卓及其大

夫荀息弒卓在前年而以今春書者從赴也獻公既葬卓以免喪故稱君也荀息稱名者雖欲復言本無遠

謀從君於昏。疏注弒卓至於昏。正義曰傳於前年甚詳經以今年書之明赴以今年弒也傳稱立公子卓以

葬是免喪始死故稱君也文七年宋人殺其大夫傳曰不稱名衆也且言非其罪也死者不稱名非其罪故知稱名者皆

有罪也荀息稱名者不知奚齊卓子之不可立又不能誅里克以存君是其雖欲復言本無遠謀也襄十九年齊殺其大

夫高厚傳稱從君於昏獻公惑於驪姬殺適立庶荀息知其事而爲之傳奚齊是其從君於昏也。夏齊

侯許男伐北戎

無傳北戎山戎

○晉殺其大夫里克

奚齊者先

君所命卓子又以在國嗣位罪未為無道而里克親為三怨之主累弑二君故稱名以罪之

**疏**

注奚齊至罪之

正義曰宣四年傳例曰弑君稱君君無道也稱臣臣之罪也里克殺奚齊弑卓子皆書里克之名是奚齊與卓子未為無道也殺大夫傳言不稱名者為無罪則稱名為有罪故今稱里克之名以罪之

○秋七月○冬

大雨雪

無傳平地尺為大雪。雨于付反

傳十年春狄滅温蘇子無信也蘇子叛王即

狄又不能於狄狄人伐之王不救故滅蘇子

奔衛

蘇子周司寇蘇公之後也國於温故曰温子叛王事在莊十九年

**疏**

注蘇子至九年。正義曰

尚書立政云司寇蘇公成十一年傳曰昔周克商蘇忿生以温為司寇以此知蘇子司寇蘇公之後也國名為蘇所都之

邑名為温故温蘇遞見於經是得兩稱故也

○夏四月周公忌父王子黨

會齊隰朋立晉侯周公忌父周卿士晉侯殺里克

克以說自解說不篡將殺里克○篡初患反公使謂之曰微

子則不及此雖然子弑二君與一大夫為子

君者不亦難乎對曰不有廢也君何以興欲

加之罪其無辭乎言欲加已罪疏欲加至辭乎

欲加臣之罪其畏無辭以臣聞命矣伏劍而死於

是下鄭聘于秦且謝綏賂故不及平鄭里克黨

及甲克俱死○晉侯改葬其大子共大子申生也○其音秋

狐突適下國下國曲沃新城疏注下國曲沃新城○正義曰

嘗以此邑封桓叔桓叔國之三世武公始并晉國遇大子

遷居而就之此曲沃晉之舊國故謂之為下國也

大子使登僕忽如夢而相見狐突本為申生御故復復扶又反下文及注同而告

之曰夷吾無禮夷吾無禮公夫人賈君故曰無禮賈逵云烝於獻

不自明而死夷吾改葬之章父之過故曰無禮杜不為注當

以鬼神之意難得而知夷吾無禮或非一事不可指言故不

也說余得請於帝矣夷吾請罰將以晉界秦秦將祀

余對曰臣聞之神不歆非類民不祀非族疏

神不至非族正義曰傳稱非我族類其心必異則類族一

也皆謂非其子孫妄祀他人父祖則鬼神不歆享之耳祭法

云聖王之制祭祀也法施於民則祀之以死勤事則祀之以

勞定國則祀之能禦大菑則祀之能捍大患則祀之若農棄

為稷后土為社社稷功被天下乃令率土報功如此之徒非

獨歆己之族若功不被於下民名不載於祀典唯其子孫祀

之神亦不歆他族然則秦非晉類而使祀申生祀之大失也

晉無罪而滅以畀秦刑之濫也天豈不達此事而待狐突之

言方改圖者民之與神不相雜擻雖理有大歸非曲為小惠

豈有一人冤枉即能訴天天受人訴辭便將滅國此事本是

妖夢假託上天非天實為之人能改易傳言鬼神所馮有時而信非言此事實是天心不可執其言而以人事為難也

君祀無乃殄乎歎饗也殄絕也○界必利反下注同歎許金反 且民何罪

失刑之祀君其圖之君曰諾吾將復請七日

新城西偏將有巫者而見我焉新城曲沃也將因座而見○偏匹綿

反疏七日至我焉○正義曰申生謂狐突云更經七日於新城西偏將有巫者而與之俱見我焉故杜云將因

巫而見許之遂不見狐突許其言申生之象亦沒○見賢遍反又如字 及期而

往告之曰帝許我罰有罪矣敝於韓敝敗也韓晉地獨敝

惠公故言罰有罪明不復以晉界秦夷吾忌克多怨終於失國雖改葬加謚申生猶忿傳言鬼神所馮有時而信○馮皮

冰疏注敝敗至而信○正義曰晉語云惠公即位出共世反子而改葬之臭徹於外國人誦之曰貞之不報孰是人斯而有是臭也貞為不聽信為不誠不更厥正大命其領

猗兮違兮心之哀兮歲之二七其靡有徵兮郭偃曰甚哉善

之難也君改葬其君以為榮也而惡滋章十  
四年君之冢祀其替乎亦是申生猶忿之事  
平鄭之如

秦也言於秦伯曰呂甥卻稱冀芮實為不從

若重問以召之三子晉大夫不從不與秦賂問疏注

子至之幣正義曰曲禮云凡以弓劍苞苴箠笥問人者鄭

故云問聘臣出晉君君納重耳蔑不濟矣蔑無也

冬秦伯使泠至報問且召三子泠至秦大夫卻

芮曰幣重而言甘誘我也遂殺平鄭祁舉祁舉

晉大夫及七輿大夫侯伯七命副車七疏七輿大夫。正

人云侯伯七命貳車七乘貳即副也每車一大夫主之謂之

七輿大夫服虔云上軍之輿帥七人屬申生者襄二十三年  
下軍輿帥七人往前申生將上軍今七輿大夫為申生  
報怨樂盈將下軍故七輿大夫與樂氏炫謂服言是

左

行共華右行賈華叔堅騅歛纍虎特宮山祁

皆里平之黨也七子七與大夫。行戶剛反下同共音恭騅音佳歛音市專反纍力追反祁巨

之反字林上尸反平豹奔秦平豹平鄭之子言於秦伯曰晉侯

背大主而忌小怨民弗與也伐之必出大主秦也小怨

里平。背音佩公曰失眾焉能殺謂殺里平之黨。焉於虔反違禍誰能

出君謂豹辟禍也為明年晉殺平鄭傳

經十有一年春晉殺其大夫平鄭父以私怨謀亂國書名

罪之書春從告夏公及夫人姜氏會齊侯于陽穀無傳

婦人送迎不出門見兄弟不踰闕與公俱會齊侯非禮。闕音域門限也一音況域反秋八月大

雩無傳過時故書冬楚人伐黃



傳十一年春晉侯使以平鄭之亂來告釋經書在

今天王使召武公內史過賜晉侯命天王周襄王召武公

周卿士內史過周大夫諸侯即位天子賜之命圭為瑞。過古禾反。受玉惰過歸告王

曰晉侯其無後乎王賜之命而惰於受瑞先

自弃也已其何繼之有禮國之幹也敬禮之

輿也不敬則禮不行禮不行則上下昏何以

長世為惠公不終張本。惰徒。疏。天王至長世。正義曰召武公亦名過周

語云襄王使召公過及內史過賜晉惠公命晉侯執玉卑拜不誓首內史過歸以告王曰晉不亡其君必無後不敬王命

棄其禮也執玉卑替其質也拜不稽首無其王也替質無鎮無王無人晉侯無王人亦將無之欲替其鎮人亦將替之其

言多而小異孔晁云左丘明集其典雅令辭與經相發明者以為春秋傳其高論善言別為國語凡左傳國語有事同而

辭異者以其詳於左傳而略於國語詳於國語而略於左傳。夏揚拒泉臯伊雒

之戎疏

伊雒之戎。正義曰釋例曰諸雜戎居伊水雒水之間者河南雒陽縣西南有戎城伊水出上雒盧

氏縣熊耳山東北至河南雒陽縣入雒雒水出上雒縣冢領山東北經弘農至河南鞏縣入河同伐京

師入王城焚東門

揚拒泉臯皆戎邑及諸雜戎居伊水雒水之間者今伊闕北有泉亭。拒

俱字反臯古刀反

王子帶召之也

王子帶甘昭公也召戎欲因以篡位

秦晉伐

我以救周秋晉侯平戎于王

為二十四年天王出居鄭傳

黃

人不歸楚貢冬楚人伐黃

黃人恃齊故

經十有二年春王三月庚午日有食之

無傳不書朔官

失之。夏楚人滅黃。秋七月。冬十有二月丁丑

陳侯杵臼卒

無傳遣世子與僖公同盟甯母及洮。杵昌呂反臼其九反

傳十二年春諸侯城衛楚上之鄂懼狄難也

楚上衛國都鄂郭也為明年春秋侵衛傳。鄂芳夫反難乃旦反下同。疏注楚上至衛傳。正義曰衛以二年

遷於楚上諸侯為之築其城至此為之築其郭公羊傳曰郭者何郭也不單言衛楚上者見楚上未有鄂也諸侯不告魯

不與故不書無經而為傳者其言必有所為故云為狄侵衛傳。黃人恃諸侯之睦于

齊也不共楚職曰自郢及我九百里焉能害

我○共音恭焉於虔反夏楚滅黃都鄂楚○王以戎難故討

王子帶子帶前年召戎伐周秋王子帶奔齊○冬齊侯使

管夷吾平戎于王使隰朋平戎于晉平和也前年晉救周

伐戎故戎與周晉不和王以上卿之禮饗管仲管仲辭曰

臣賤有司也有天子之二守國高在天子高子天子所命

為齊守臣皆上卿也莊二十二年高侯始見經僖二十八年國歸父乃見傳歸父之父曰懿仲高侯之子曰莊子不知今當誰世○守手又反注同見賢遍反下同若節春秋來承王命何以禮

焉節時也陪臣敢辭諸侯之臣曰陪臣○陪步回反王曰舅氏伯舅

之使故曰舅氏○使所吏反余嘉乃勲應乃懿德謂督不忘

往踐乃職無逆朕命功勲美德可謂正而不可忘者不言位而言職者管仲位卑而

執齊政故欲以職尊之○督音篤疏余嘉至朕命○正義曰余朕皆我也乃女也應當也懿美也督正也言我

善女功勲當女美德謂女功德正而不可忘宜受此禮往居女職無得逆我之命欲令受上卿之禮管仲受

下卿之禮而還管仲不敢以職自高卒受本位之禮君子曰管氏

之世祀也宜哉疏君子至宜哉○正義曰上明之意假稱君子論管氏應合世祀也宜

哉而遂不世祀子孫絕滅是行善無驗故杜注云傳亦舉其無驗是也讓不忘其上詩

曰愷悌君子神所勞矣

詩大雅愷樂也悌易也言樂易君子為神所勞來故世祀

也管仲之後於齊沒不復見傳亦舉其無驗○愷本亦作凱開在反悌音弟本亦作弟勞力報反注同樂音格下同易以豉反下同來力  
疏注詩大至無驗○正義曰詩大雅旱麓代反復扶又反  
之篇愷樂悌易皆釋詁文樂易言志度弘簡忻樂而和易也世族譜管氏出自周穆王成十一年傳有齊管于奚譜以為雜人則非管仲之子孫也哀十六年傳稱楚自公殺齊管脩杜云管脩楚賢大夫故齊管仲之後是管仲之後於齊沒不復見也

經十有三年春狄侵衛

傳在前

○夏四月葬陳

宣公

無傳

○公會齊侯宋公陳侯衛侯鄭伯許

男曹伯于鹹

鹹衛地東郡濮陽縣東南有鹹城○濮音卜

○秋九月大

雩

無傳書過

○冬公子友如齊

無傳

傳十三年春齊侯使仲孫湫聘于周且言王

子帶

前年王子帶奔齊言欲復之

事畢不與王言

不言子帶事

歸

復命曰未可王怒未怠其十年乎不十年王

弗召也。夏會于鹹淮夷病杞故且謀王室

也。秋為戎難故諸侯戍周齊仲孫湫致之

戍守也致諸侯戍卒于周。為于偽反下注欲為同難乃且反卒子忽反。

冬晉荐饑

麥禾皆不熟。荐在薦反。

疏

晉荐饑。正義曰釋天云穀不熟為饑仍饑為荐李巡曰穀不成熟曰饑連歲

不熟

使乞糴于秦秦伯謂子桑與諸乎對曰

重施而報君將何求

言不損秦。糴直歷反施式豉反下同

重施而

不報其民必攜攜而討焉無眾必敗

不義故謂民離

百里與諸乎

百里秦大夫

對曰天災流行國家代有

救災恤鄰道也行道有福平鄭之子豹在

秦請伐晉

欲為父報怨

秦伯曰其君是惡其民何

罪秦於是乎輸粟于晉自雍及絳相繼

雍秦國都

絳晉國都。雍於用反絳古巷反

命之曰汎舟之役

從渭水運入河汾。汎芳劍反汾扶

云疏

注從水運入河汾。正義曰秦都雍雍臨渭晉都絳反。絳臨汾渭水從雍而東至弘農華陰縣入河從河逆

流而北上至河東汾陰縣乃東入汾逆流東行而通絳故杜云從渭水運入河汾也

經十有四年春諸侯城緣陵

緣陵杞邑辟淮夷遷都於緣陵

夏

六月季姬及鄆子遇于防使鄆子來朝

季姬魯女

鄆夫人也鄆子本無朝志為季姬所召而來故言使鄆子來朝鄆國今琅邪鄆縣。鄆似綾反本或作繪。

秋

八月辛卯沙鹿崩

沙鹿山名平陽元城縣東有沙鹿土山在晉地災害繫於所災所害

故不繫國

**疏**

注沙鹿至繫國。正義曰：公羊傳曰：沙鹿者何？河上之邑也。穀梁傳曰：林屬於山，為鹿沙山名也。服虔云：沙山名鹿山，足林屬於山，曰鹿取穀，梁為說也。漢書元

后傳稱：后祖翁孺自東平陵徙魏郡元城，委粟里元城。建公曰：昔春秋沙鹿崩，晉史卜之曰：陰為陽，雄土火相乘，故有沙鹿崩。崩後六百四十五年，宜有聖女與今王翁孺徙，正值其地。日月當之元城，郭東有五鹿之虛，即沙鹿地。計爾時去聖猶近，所言當得其實，故以沙鹿為山名。依漢書為義也。沙鹿實是晉地，不言晉沙鹿者，凡有災害繫於所災所害之處，不繫於所屬之國，故不繫晉也。釋例曰：陳既已滅，降為楚縣，而書陳災者，猶晉之梁山沙鹿崩，不書晉也。災害繫於所災所害，故以所在為名。災為陳災，成周宣榭火，害為梁山沙鹿崩。山崩必有所害，故所災所害別言之。

○狄侵鄭

無傳

○冬蔡侯盱卒

無傳未同

盟而赴以名  
○盱許乙反

傳十四年春諸侯城緣陵而遷杞焉不書其

人有闕也

闕謂器用不具，城池未固而去為惠不終也。澶淵之會既而無歸，大夫不書而國別稱人，今此



摠曰諸侯君臣之辭不言城

杞杞未遷也○澶市然反

**疏**

注闕謂至遷也○正義曰元年齊師宋師曹師城邢

傳稱具邢器用而遷之師無私焉是器用具而城池固故具列三國之師詳其文以美之也今此摠云諸侯城緣陵不言某侯某侯與城邢文異不具書其所城之人爲其有闕也知闕爲器用不具城池不固而去爲惠不終故摠言諸侯以譏之凡諸侯盟會不歷序其人摠言諸侯者皆是譏之辭文十五年諸侯盟于扈傳曰書曰諸侯無能爲也十七年諸侯會于扈傳曰書曰諸侯無功也是其摠言諸侯皆譏辭也十六年會于淮傳稱城郟役人病不果城而還亦是爲惠不終而淮會具書其人者淮之會爲謀郟且東略非爲城郟而聚會既會之後乃欲城郟而不果本意不城郟無可貶也先儒以爲諸侯有過貶而稱人杜據澶淵之會與此傳文知諸侯之貶不至稱人故釋例曰傳滅入例衛侯燬滅邢同姓故名又云穀伯綏鄧侯吾離來朝名賤之也又云不書蔡許之君乘楚車也謂之失位此皆諸侯貶之例例不稱人也諸侯在事傳有明文而經稱人者凡十一條丘明不示其義而諸儒皆據案生意原無所出貶諸侯而去爵稱人是爲君臣同文非正等差之謂也又澶淵大夫之會傳曰不書其人案經皆去名稱人至諸侯親城緣陵傳亦曰不書其人而經摠稱諸侯

此大夫及諸侯經傳所以爲別也通校春秋自宣公五年以下百數十年諸侯之咎甚多而皆無貶稱人者益明此蓋當時告命注記之異非仲尼所以爲例故也

○鄧季姬來寧公怒止之以

鄧子之不朝也

來寧不書而後年書歸鄧更嫁之女也明公絕鄧昏既來朝而還○還戶關反

夏遇于防而使來朝○秋八月辛卯沙鹿崩

晉卜偃日期年將有大咎幾亡國

國主山川山崩川竭亡國

之徵○期音基咎其九反幾音祈又音機

**疏**

注國主至之徵○正義曰成五年傳曰國主山川故山崩川竭君爲

之不舉周語幽王二年西周三川皆震伯陽父曰昔伊維竭而夏亡河竭而商亡國必依山川山崩川竭亡國之徵也卜偃明達災異以山崩爲亡國之徵知其將有大咎不言知之意非末學者所得詳也釋例曰天人之際或異而無感或感而不可知沙鹿崩因謂期年將有大咎梁山崩則云山有朽壤而自崩此皆聖賢之讜言達者所宜先識是說卜偃之言非後人所能測

○冬秦饑使乞糴于晉晉人弗與慶鄭

曰背施無親

慶鄭晉大夫。背音佩。後皆同。施式。波反。注及下而施毛十五年皆同。

幸

災不仁貪愛不祥怒鄰不義四德皆失何以

守國號射曰皮之不存毛將安傅

號射惠公舅也皮以喻所

許秦城毛以喻糴言既背秦施為怨以深雖與之糴猶無皮而施毛。傳音附

**疏**

注號射惠公舅正義曰晉語云

秦譏惠公命輸之粟號射請勿與慶鄭請與之公曰非鄭之所知也遂不與秦侵晉至于韓公謂慶鄭曰寇深矣奈何慶

鄭曰非鄭之所知也君其訊射也公曰勇所病也是號射為惠公之舅也

慶鄭曰去弃信背

鄰患孰恤之無信患作失援必斃是則然矣

號射曰無損於怨而厚於寇不如勿與

言與秦粟不足

解怨適足使秦強

慶鄭曰背施幸災民所弃也近猶讎

之況怨敵乎弗聽退曰君其悔是哉

附釋音春秋左傳注疏卷第十三

卷第十三

江西南昌府學乘

春秋左傳注疏卷十三校勘記 阮元撰盧宣旬摘錄

附釋音春秋左傳注疏卷第十三 僖六年盡十四年

**經六年**

今萊陽密縣 淳熙本足利本萊作熒是也

**傳六年**

非不欲校 閩本校作效誤

故欲因以求人 岳本入誤作之

故傳稱新密 閩本監本毛本脫新字

諸侯救許 石經救作殺誤案石經自楚子圍許至諸侯救許十一字皆重刻

故蔡將許君歸楚 宋本將上有侯字

詐男面縛銜璧

閩本作縛面誤倒

以璧為贄

釋文贄作質云本又作贄

注袞除凶之禮

宋本此節正義在楚子從之之下

稱公臨楚喪

閩本監本毛本脫楚字

**經七年**

盟于甯母

葉抄釋文亦作母石經宋本岳本纂圖本監本毛本皆作母

**傳七年**

競強也

宋本強作彊正義同此本正義亦作彊

七年傳心則至於病

各本脫七年傳三字宋本正義入姑少待我注下

既不能彊

足利本彊作強

吾知其所由來矣 宋本此節正義在心則至於病疏後

我不以女為罪釁 宋本纂圖本閩本監本毛本無我字

弗可改也已 顧炎武云石經改誤故案石經此處闕炎武所據乃謬刻也

若君去之以為成 石經宋本作君若不誤

即罪人 淳熙本即誤其

齊史無所不隱 宋本不作可

雖復齊史隱諱 監本復誤後淳熙本史作更亦非

**經八年**

所以同舜王室 閩本監本毛本舜作舜

天子之臣不與諸侯同盟 宋本同作共

亦無貶責

閩本監本毛本亦作又

於時諸侯輯睦

閩本監本毛本輯作新按廿九年杜注作輯

止言乞盟

閩本乞作與非也

**傳八年**

而後王定位

宋本淳熙本岳本足利本作位定不誤

期年秋必至

北宋刻釋文云期本或作基注同也按基古文假借字亦見儀禮

明期年之言驗

纂圖本閩本監本毛本脫驗字

不祔于姑

釋文亦作祔閩本監本毛本作祔非也

則為殯廟赴同祔姑

淳熙本則誤前

**經九年**



十九年于郢

宋本鄧作甄不誤○今訂作鄧

宰周公文承其後

監本毛本文作又

知此葵邱與彼異者

閩本監本毛本脫知此葵邱四字

既葬而除之

宋本除作降非也

甲子晉侯佹諸卒

纂圖本監本閩本毛本佹作詭案穀梁釋文云左氏作佹諸則作佹爲是

問崩曰以甲寅告

監本毛本寅誤子

冬晉里奚克殺其君之子奚齊

各本無上奚字是也山井鼎引足利本里下有其字即奚

字之誤

**傳九年**

小童者童蒙幼末之稱

纂圖本閩本監本毛本末作穉非正義同

子者繼父之辭

各本作繼按正義作繫

非諸夏所得書

宋本岳本足利本夏作下不誤

蒙謂闇昧也

毛本昧作暗非也

曹羈出奔陳

監本毛本羈作羈按莊廿四年經作羈閭本作奇非也

非諸下所得書

閩本毛本下作王誤也

不云地祗及約祠者

宋本祗作祗是也○今正

亦言而言之

宋本監本毛本上言字作連不誤○今依訂正

胙祭肉

案周禮大宗伯職疏引作膾肉

注天子至伯舅

宋本以下正義五節摠入下拜登受注

以伯舅耄老

石經宋本淳熙本岳本纂圖本毛本耄作耄是也釋文同

涉級聚足

案禮記曲禮涉作拾鄭注拾當為涉聲之誤孔氏因改為涉

是進一等

閩本監本毛本等作級非

中婦人手長八寸謂之咫

重修監本中改申非也

隕越顛墜也

宋本淳熙本足利本墜作隊是正字釋文亦作隊下同

月堂下受胙於堂上

纂圖本閩本監本毛本月作自亦非宋本淳熙本岳本足利本作拜不誤

○秋齊侯盟諸侯于葵邱

監本○誤注字毛本誤傳字

諸侯欲求會葵邱

宋本岳本纂圖本監本毛本諸作晉求會宋本淳熙本監本毛宋作求會不誤

言或向東

纂圖本監本毛本或作復非

君務靖亂無勤於行

李注文選三國名臣序贊引靖作靜勤作勤

送死事生兩無疑恨

纂圖本閩本監本毛本疑作猜

能欲復言而愛身乎

宋本此節正義在將焉辟之句下

言此言之缺

宋本缺作闕陳樹華云史記正義引作玷字按說文文胡缺也引詩白圭之切

高梁晉地在平陽縣西南

案二十四年注縣上有楊氏二字案釋地作楊孫氏亦衍文晉

書地里志楊縣屬平陽郡可證也

**經十年**

卓以免喪

宋本淳熙本岳本足利本以作已

北伐山戎

宋本淳熙本纂圖本監本毛本伐作戎不誤○今依訂正

**傳十年**

子弑二君

宋本纂圖本弑作殺字按宋本是也實舉其事故曰殺二君與一大夫

言欲加已罪

宋本岳本已作已淳熙本作以非也

欲加至辭乎

宋本此節正義在臣聞命矣節注下

注下國曲沃新城

宋本以下正義五節摠入及期而往注下

天豈不達此事

閩本監本毛本天作夫非也

乏祀為無主祭也

考文引足利本有此七字在君其圖之句下盧文弼校本為疑謂

十四年君之冢祀其替乎

閩本監本毛本冢作家誤也

三子至之幣

宋本以下正義二節摠入後出君注下

冬秦伯使泠至報問

毛本泠作冷誤注同

上軍之輿帥七人

陳樹華云上字當作下前申生將上軍句上亦當作下也按閔二年傳云

公將上軍大子申生將下軍陳樹華所訂是也

經十年

晉殺其大夫季鄭父 公羊疏云左氏經無父字然則今諸本有父者衍文也

**傳十七年**

受玉惰 案說文惰字下云不敬引春秋傳曰執玉惰

其何繼之有 纂圖本閩本監本毛本其誤而

孔晁云 毛本晁作鼂亦非

伊雒之戎 宋本此節正義在同伐京師句下

**經十二年**

**傳十二年**

不單言衛楚邱者 宋本楚上有而言衛三字

夏楚滅黃 石經初刻楚人滅黃後刊去人字

應乃懿德

惠棟云應讀曰膺言膺受女匡輔之美德也古人皆以應為膺

君子至宜哉

宋本以下正義二節摠入管氏之世祀也主下

詩曰愷悌君子

釋文愷作凱注同云本亦作愷悌本亦作弟

傳稱楚曰公殺齊管脩

宋本曰作白是也

**經十三年**

**傳十三年**

秋為戎難故

監本秋上○誤注淳熙本故誤致

致諸侯戍卒于周

葉抄釋文戍作戎

晉荐饑

宋本以下正義二節摠入篇末

注從水運入河汾

宋本閩本監本毛本水上有渭字是也

經十四年

季姬及鄆子遇于防

釋文云鄆本或作曾案公羊穀梁作緡

鄆國今琅邪鄆縣

毛本邪改邳非

平陽元城縣東有沙鹿土山在晉地

案晉書地理志元城屬陽平郡此本及諸

本並誤作平陽二十三年傳出於五鹿注亦云陽平元城

林屬於山為鹿沙山名也

閩本監本毛本鹿沙誤餽

傳十四年

公怒止之

顧炎武云石經止誤上案石經此處闕炎武所據乃謬刻閩本亦誤作上

則云山有朽壤而自崩

宋本閩本監本毛本朽作朽不誤壤閩本監本毛本誤作壤

猶無皮而施毛

宋本毛本下有也字